



金陵通紀卷七

江甯陳作霖伯雨編輯

隋文帝開皇九年

即陳禎明三年

春正月平陳癸巳詔使者巡撫建康宮室城闕並平

蕩耕墾其陳氏三陵總給五戶以分守

置蔣州於石頭城廢丹楊郡徙揚州

總管府治所於蔣州城內尋移江都

晉王廣大獵於蔣山有猛虎突圍出行

軍總管韓洪馳射之應弦而倒陳氏故將列觀皆歎伏焉王大喜賜縑百匹以

為蔣州刺史 三月己巳陳主叔寶與其王公百官發建康

晉王廣班師留

王韶於石頭防遏委以後事故陳之境內給復十年

十年冬十一月蔣山李陵舉兵反自稱大都督江表自東晉以來刑法疏緩世

族陵駕寒門平陳之後牧民者盡更變之士民嗟怨民間復訛言將徙入關遠

近驚駭於是陳之故境皆反詔上柱國內史令楊素討之

晉王廣復鎮揚州

以長史張奭檢校蔣州事未幾江南平郭衍以功除蔣州刺史

移江甯縣治

於冶城

昭和九年
四月二十八日
購求

門 儿 05
號 2998
卷 3

十一年析溧陽及丹陽之地置溧水縣屬蔣州

十五年秋七月遣邳公蘇威巡省江南

十八年併溧陽入溧水

煬帝大業元年廢方州以六合屬揚州句容亦來隸焉尋立方山府於上沛領

方山縣

二年春正月省建康秣陵同夏臨沂丹陽湖熟六縣皆入江甯

三年夏四月改州為郡蔣州復名丹楊郡江甯與溧水二縣仍隸焉

六年置丹楊郡城

十一年冬十一月餘杭賊劉元進攻丹楊左屯衛大將軍吐萬緒濟江擊走之

十二年章邱賊杜伏威掠淮南據六合光祿大夫陳稜將宿衛兵討之 方山

府廢

十三年春正月陳稜畏杜伏威之眾閉營不出伏威以婦人服遺之謂之陳姥

稜怒出戰伏威奮擊大破之復乘勝據歷陽 自淮及江東西數百里絕水無

魚

十四年春帝在江都見中原已亂不欲北歸命治丹楊宮將徙都之未及遷而

難作吳興太守沈法興聞帝被弑舉兵以討宇文化及為名時賊帥樂伯通據

丹楊為化及守法興使陳果仁攻陷之遂據江表十餘郡自稱江南道大總管

唐高祖武德元年即隋大業十四年帝即位於關中丹楊尚為沈法興所據

二年秋九月歷陽賊帥杜伏威請降授東南道行臺尚書令封楚王

三年春海陵賊帥李子通攻沈法興取京口法興奔吳郡於是丹楊降於子通

杜伏威遣長史輔公祏帥卒數千攻子通丹楊克之進屯溧水子通率眾拒之

公祏簡精甲千人執長刀為前鋒又使千人踵其後曰有退者斬之自帥餘眾

復居其後子通為方陣而前公祏前鋒殊死戰公祏復張兩翼擊之子通敗走

公祏逐之反為所敗還閉壁不出王雄誕時為公祏副日子通無壁壘又狃於

初勝乘其無備擊之可破也公祏不從雄誕以其私屬夜擊之因風縱火子通

大敗退保京口伏威乃徙居丹楊遣使奏捷 夏六月以江甯溧水二縣地置

揚州析置丹陽安業溧陽三縣更名江甯爲歸化壬辰詔以杜伏威爲使持節
總管江淮以南軍事揚州刺史徙封吳王

四年以句容延陵二縣置茅州

五年秋七月吳王伏威入朝留輔公祏守丹楊領揚州刺史令右將軍王雄誕
典兵爲之副陰謂曰吾至長安苟不失職無令公祏爲變

六年省安業縣入歸化 輔公祏將反奪王雄誕兵縊殺之秋八月壬子稱帝
於丹楊國號宋修陳故宮而居之遣其將馮慧亮等統舟師屯博望山陳正通
等統步騎屯青林山仍於梁山連鐵鎖以斷江路詔遣趙郡王孝恭嶺南道大
使李靖討之

七年春孝恭等兵次硤石諸將欲踰馮慧亮等壘直掩丹楊李靖曰不可公祏
自將尙有精兵使進攻石頭旬月不下慧亮等躡吾後腹背受敵此危道也不
如先攻慧亮等以挑之孝恭以爲然使羸兵先攻賊營而勒精兵以爲繼大敗
之博望青林二戍皆潰三月李靖至丹楊公祏棄城走眾尙數萬李世勣追之

公祏至句容騎能屬者才五百人爲武康野人所執送丹楊梟首分捕餘黨悉
誅之江南平以孝恭爲東南道行臺右僕射孝恭威名甚盛厚自崇重築宅於
石頭陳廬微以自衛 更揚州爲蔣州廢茅州仍以句容縣屬蔣州復置方州
以盧祖尚爲蔣州刺史

八年改蔣州爲揚州更歸化縣爲金陵揚州領金陵句容丹陽溧水等六縣
廢行臺以趙郡王孝恭爲揚州大都督李靖爲長史丹楊連罹兵寇百姓凋弊
靖鎮撫之江南以安 冬十二月以襄邑王神符檢校揚州大都督始自丹楊
徙州府於江北自是揚州之名專屬江都矣

九年徙金陵於白下村曰白下縣與句容俱隸潤州丹陽與二溧隸宣州

太宗貞觀元年分天下爲十道宣潤二州屬江南道揚滁和三州屬淮南道

七年移白下縣於冶城東省丹陽縣 廢方州以六合縣屬揚州

八年秋七月江淮大水

九年更白下縣曰江甯 是時釋法融於幽棲寺入定有百鳥獻花之異因開

南宗一派號生

高宗麟德元年

令明達善斷由

總章元年江淮

儀鳳元年冬十

武后光宅元年

江修石頭城名

以實之

垂拱四年夏以

如意元年夏

長壽元年漂

中宗神龍二年

睿宗景雲元年

玄宗開元四年

九年秋七月丙

十四年秋七月

二十一年分江

天寶元年復置

七年修齊崇元

十年改晉天寶

十五載以永王

金陵

肅宗至德元載

冬十二月引兵

二載春二月淮

成式使判官裴

通鑑卷十

頭宗今牛首祖堂

句容令楊延嘉因梁故隄置絳巖湖以溉田先是岑植為句容

從弟溧水令岑文林並有政績

旱饑

二月以尚書左丞崔知悌國子司業鄭祖彥巡撫江南道

秋九月英國公徐敬業舉兵揚州圖匡復將據金陵使崔洪渡

十月大總管李孝逸平之分兵三百守石頭尋置為鎮徙縣倉

冬官侍郎狄仁傑巡撫江南道

月江淮旱饑時禁屠採民不得捕魚蝦餓死甚眾

令王通以清勤為治戶口增益

移石頭倉於冶城

江甯令陸彥恭於五城側造橋渡秦淮名五城渡

春二月升江甯為望縣

辰揚潤等州大風發屋拔樹漂損船舫千餘隻

甲子大風自東北來海濤沒瓜步

附為二道宣潤二州並屬江南東道

丹陽郡句容江甯並隸焉按此丹陽郡治今鎮江之丹陽非復江甯之丹陽矣

寺為天保寺

齊充江南等路節度大使駐江陵 時翰林供奉李白被放遊

以同平章事崔渙巡撫江南 永王璘欲據金陵如東晉故事

水至當塗擊斬丹陽太守閻敬之

用採訪使李成式河北招討判官李銑合兵討璘銑軍於揚子

以屯瓜步廣張旗幟於江津璘登城望之有懼色其別將渾惟

通鑑卷七

明奔江甯江北軍多列炬火光照江中璘以爲官軍已濟遽挈家屬潛遁未幾敗死 是歲置江甯郡於江甯縣治領江甯句容溧水當塗四縣

乾元元年冬十二月改江甯郡爲昇州置浙江西道節度兼江甯軍使領昇潤宣等十州治昇州以昇州刺史韋黃裳爲之

二年夏六月以顏真卿爲昇州刺史充浙江西道節度使時詔天下臨江帶郭各置放生池始自江州迄於昇州秦淮太平橋凡八十一所真卿爲勒碑以記焉真卿知淮西節度副使劉展將反豫飭戰備都統李峘以爲生事非毀之被召爲刑部侍郎

上元元年春正月以侯令儀爲昇州刺史充浙江西道節度使 冬十一月江淮都統劉展反自白沙濟江襲下蜀昇州軍士萬五千人謀應展不克而遁侯令儀懼棄城走兵馬使姜昌羣詣展降丙申展入昇州以昌羣爲刺史旬日閒陷宣和等十州

二年春正月平盧節度使田神功奉敕討展既入揚州亦遣兵自白沙趣下蜀

展屢敗其弟殷欲入海展不從更帥眾力戰將軍賈隱林射展中目而仆遂斬之餘黨悉降平盧兵大掠十日 江淮大饑 廢江甯置上元縣句容縣改屬潤州 以前宋延壽寺爲延熙寺

寶應元年廢昇州以上元隸潤州溧水隸宣州 江東大疫人民死者過半

代宗大曆三年以張萬福爲和州刺史行營防禦使討平盧叛將許杲於當塗杲懼移軍上元因北至楚州走死 時江南北多循吏六合令獨孤及政尙簡靜建清風亭吟嘯其中句容令王昕復置絳巖湖周百里爲塘立二斗門以節旱潦開田萬頃溧水令竇叔向政績爲諸邑冠白季康繼之性清介而以誠信化人縣民久而思之

四年上元縣芝草生一莖四葉高七寸

德宗建中二年夏六月以浙江西道爲鎮海軍

四年朱泚亂長安鎮海軍節度使韓滉築石頭五城穿井百所毀上元佛寺道觀四十餘區以其材繕館第數十修塢壁起建業抵京峴樓堞相屬以備遊幸

且自固也淮南節度使陳少游奪鹽鐵使包佶上供錢帛佶與數十人走至上元復為混所掠

貞元二年夏六月江溢魚鼈隨流而下皆無首明年混卒於鎮

六年夏江浙旱

八年秋七月江淮大水害稼漂沒人民廬舍八月遣官宣撫

順宗永貞元年秋江浙旱

憲宗元和元年鎮海軍節度使李錡驕縱無忌冬十月以御史大夫李元素代其任錡拒命詔淮南節度使王諤討之未至錡遣牙將庾伯良將兵三千治石頭其兵馬使張子良知錡必敗癸酉引兵趨牙門錡跣走匿樓下親將李鈞引挽強卒三百趨山亭欲戰錡甥裴行立與子良應伏兵邀斬之左右執錡裹之以幕械送京師

三年江南旱

四年春江南旱饑詔左司郎中鄭敬德為江淮二浙等道宣慰使振卹之

七年潤州水害稼

八年江西從事李公佐泊舟建業登瓦官寺閣為妙果寺尼謝小娥解隱語車中猴門東草禾中走一日夫十二字為申蘭申春俾得復父夫之讐

十一年潤州大水

穆宗長慶二年冬十月詔江淮諸州旱損令所在觀察使取常平義倉穀據時估減半糶以惠貧民是歲烏江民殺縣令以取官米

三年春江南旱遣使宣撫冬十二月浙西觀察使李德裕毀管内淫祠千餘所

敬宗寶曆元年夏詔訪茅山真隱秋江浙旱

文宗太和四年江南大水害稼出官米振給

八年夏江淮大旱冬十月浙西水

九年漳王傅母杜仲陽放歸金陵詔鎮海軍節度使李德裕存撫之會德裕已離浙西牒留後李蟾使如詔旨後左丞王璠以此誣德裕為罪

開成四年夏江溢大水害稼

武宗會昌元年秋七月江南大水

四年冬十一月升句容爲望縣

宣宗大中二年夏六月禮院檢討官王皞以爭郭太后祔廟事貶句容令

十二年秋潤州水害稼

懿宗咸通二年江淮旱

七年江淮大水

九年夏江淮旱蝗六合令康某禱雨不應乃跨白馬投江死民爲立祠祀之

冬十二月徐賊龐勛自安南戍歸破烏江

僖宗乾符二年帝遣使受大洞籙於茅山道士吳法通賜號希微先生其弟子

上元劉得常居紫陽觀

廣明元年秋七月黃巢自采石北渡圍六合遂犯中原

中和四年江南大旱饑人相食

光啟元年江水赤數日 時上元令卜吉安和不擾公餘輒閉戶讀書而政事亦辦

二年感化軍牙將張雄馮弭鐸爲節度使時溥所忌合兵三百渡江壁白下號天成軍因襲據蘇州

三年春三月鎮海軍亂淮南六合鎮邊使徐約擊蘇州張雄雄逃入海夏四月自海沂江屯揚州之東塘遣其將趙暉據上元五月宣州觀察使秦彥將兵救淮南畢師鐸過上元甲午暉邀擊敗之有眾數萬以上元爲西州大治臺城而居之不與張雄通問雄沂江而上暉以兵塞其中流雄怒閏十一月戊午拔其城而坑之自屯上元

昭宗大順元年置昇州於上元以張雄爲刺史舊隸諸縣皆復舊

二年春正月淮蔡叛將孫儒悉眾渡江自潤州轉戰而南甯國軍節度使楊行密將李神福拒之於溧水陽退示怯儒軍不設備神福夜襲其營俘斬千計儒軍乃遁

景福二年秋七月昇州刺史張雄卒雄善馭眾人多用
刺史

三年淮南楊行密將臺濛作五堰於魯陽挖輕舟以運
乾甯三年昇州刺史馮弼鐸以州遙附於淮南

天復二年馮弼鐸欲擊宣州田頌而州數有怪大風發
州且易主矣弼鐸不以為意帥眾西上敗績於曷山收

楊行密遣人招之弼鐸遂歸於淮南淮南因取昇州以
三年秋宣州田頌叛淮南九月襲昇州得李神福妻了

未至頌逆以書招之神福斬使而進冬十一月克頌使
史

昭宣帝天祐六年昭宣帝止四年淮南不從梁正朔故仍稱天祐春正月淮南
金陵形勝戰艦所聚乃遙領昇州刺史遣假子知誥使
使往治之

七年以徐知誥為昇州副使

八年建淨相寺

九年夏五月以徐知誥為昇州刺史時諸州長吏多
明政教招納賢才洪州進士宋齊邱嘗陪遊讌託鳳
推官俾主謀議齊邱性剛每有不合輒攜衣笥望秦
止之先是布衣錢亮嘗謂人曰金陵王氣復興當有
謁知誥退謂左右曰建業之地復興帝都即郡侯是淮
國先生

十一年始城昇州建大都督府

十二年淮南封徐溫為齊國公鎮潤州昇潤宣常歙

十四年夏四月昇州刺史徐知誥治府舍城市甚盛
其繁富乃移鎮海軍於是州自居之以知誥為潤州團

十九鄉當塗北二鄉置江甯縣

吳惠帝武義元年夏四月淮南始建國號曰吳進溫爲大丞相都督中外諸軍事東海郡王時有童謠云東海鯉魚飛上天又云江北李花作雪飛江南李花玉團枝李花結子可憐在不似楊花無了期

二年夏四月大丞相溫自昇州朝吳主於廣陵 秋七月改昇州大都督府爲金陵府拜溫爲金陵尹 冬十一月金陵城成陳彥謙上費用籍冊溫曰吾旣任公不復會計悉焚之 建紫極宮於冶城故址 時有褚雅隱於茅山樂施輕財拯物無倦

睿帝順義二年以同泰寺之半置臺城千福院

四年冬十月大丞相溫自金陵逆朝吳主於白沙 建興教寺於石頭城

乾貞元年冬十月大丞相溫卒子知詢代爲鎮海甯國軍節度使金陵尹

二年冬知詢入朝於廣陵知誥時輔吳政留之以弟知謬代爲金陵尹

太和二年改安德鄉禪居寺爲崇果院

三年秋九月金陵尹徐知謬命句容令黃鸞重建靈寶院於茅山 冬十二月

徐知誥以鎮海甯國軍節度使諸道都統歸鎮金陵 茅山有道士王棲霞知誥嘗召至金陵館於予真觀

四年春二月都統知誥作禮賢院於府舍聚圖書以延士大夫宋齊邱上勸農桑策略言徵民稅宜虛擡時價以折綳絹及蠲課調等事知誥決行之不十年閒野無閒田又有汪台符上書陳民間九患及利害十條齊邱忌之密使人誘其乘舟痛飲至石頭蚶蚌磯下沈於江 秋八月廣金陵城周回二十里 九月都統知誥以水火爲災兵民困苦悉縱遣侍妓取樂器焚之 是歲鍾山之陽積蝗厚尺餘有數千僧白晝聚啗之立盡

五年夏五月都統知誥欲徙吳主都金陵乃繕府治爲宮以蔡宏業爲宮城營奉使徙都統府於臺城令都教練使孔昌祚營之 封東嶽三郎爲雄武將軍建廟金陵

六年春正月都統府成 凡二千四百間 乙未知誥徙居之虛府舍以俟車駕 閏正月金陵火 二月丙子吳主遣宋齊邱如金陵諭知誥罷遷都已卯知誥還居府

舍 甲申金陵大火乙酉又火知誥懼有變勒兵自衛 都押牙周宗勸知誥受吳禪宋齊邱以其先已疾之手疏切諫知誥由是疏齊邱秋七月給南園以居之不令預國事 冬十一月知誥召其子景通於廣陵使還金陵為副大使諸道都統判中外諸軍事 是歲故東海王溫孫景運建報先院於金陵 天祚元年冬十月加知誥太師天下兵馬大元帥進封齊王以昇潤等十州為齊國

二年春正月建大元帥府於金陵 冬十一月癸巳詔以金陵為西都 是歲立韓將軍廟於金陵城西報功也

三年春正月齊王知誥始建國立宗廟社稷改金陵府曰江甯府牙城曰宮城廳堂曰殿置騎兵八軍步兵九軍 三月戊子吳主使宜陽王瓌如西都冊命齊王知誥知誥受冊赦境內更名誥 夏六月齊王次子景遷卒葬飲馬池之陽 秋八月吳主下詔禪位於齊九月丙寅江夏王璘奉璽綬如金陵 南唐烈祖昇元元年即吳天祚三年冬十月甲申齊王誥即皇帝位奉吳主為讓皇是

日白雀翔於中庭改齊明門為朝元門 十一月丁卯荆南高從誨請置邸金陵許之

二年春升上元為赤縣以張易為令 夏五月丁卯廣濟倉火焚米三十萬石 作渾天儀 六月改吳興閣為昇元閣瓦官寺為昇元寺 高麗使貢方物

帝御武功殿設細仗受之命學士承旨孫晟宴其使於崇英殿奏龜茲樂作番戲以為樂 冬十月丙子立太學 壬辰命吳王璟即景通勒步騎八萬講武銅

駝橋 南平王李德誠自洪州來朝帝遣內夫人逆勞於道百官班謁於都門入對日朝堂設次以待復賜曲宴於天泉閣

三年春二月己卯帝御興祥殿改國號曰唐復姓李更名昇立唐宗廟三月庚午作南郊行宮于閒夏四月庚辰享太廟辛巳祀南郊 五月丙寅以吳王璟為昇揚二州牧 是月作北郊於秣武湖西 秋七月詔放諸州所獻珍禽奇獸於鍾山 自五月不雨至於是月 冬十月丁丑帝御後樓閱戰馬

四年春二月吳故太子璉謁平陵歸至竹篠口暴卒其妃永興公主還居金陵

宮編素誓佛以終身 冬十月以齊王璟讓儲赦殊死以下京師賜酺 庚戌
帝自保德門御舟由迎鑾鎮幸東都十二月丙申還宮 是歲改崇英殿為延
英殿疑華內殿前為昇元殿後為雍和殿興祥殿為昭德殿積慶殿為穆清殿
又有玉燭等殿

五年冬十一月詔定民田稅以肥瘠為準

六年春正月都下大水秦淮溢東關尤被害左街使刁彥能請築隄為斗門疏
導之患乃稍息 溧水天興寺桑生木人長六寸形如僧右袒左跪衣襪皆備
國人號曰須菩提帝迎置宮中事之占者曰木人生桑國有大喪 帝奉佛甚
謹嘗創清涼道場延僧休復居之 先是有潘辰者至金陵泊舟秦淮口遇老
父求同載時大雪辰市酒與飲及江中流酒盡老父解巾於髻中取小葫蘆傾
之不竭辰驚異老父謂曰子有道氣可教也乃授以秘術自是往來江淮間自
稱野客復與方士史守冲獻金丹於帝帝服之疽發背祕不令人知
七年春二月庚午帝大漸召齊王璟謂曰德昌宮儲戎器金帛七百餘萬汝守

成業宜善交鄰國以保社稷是夕殂於昇元殿祕不發喪丙子始宣遺制

元宗保大元年

即昇元七年

春三月己卯齊王璟即皇帝位祕書郎韓熙載請俟明

年改元不從 秋七月以金陵尹燕王景遂為諸道兵馬元帥徙封齊王居東

宮 冬十月朔清涼寺僧休復疏辭帝取三日子時入滅帝令本院至期擊鐘

因登臺遙禮收其舍利建塔貯之

時清涼寺有帝八分書題名李蕭遠草書董羽畫海水為三絕

十一月壬

寅葬烈祖高皇帝於永陵 帝常構一小殿處以視事謂之龜頭居又於宮中
作樓召侍臣觀之皆歎美給事中蕭儼曰恨樓下無井不及景陽耳帝怒貶其
官時有木平和尙帝亦召見於百尺樓木平曰此樓宜望火後淮甸交兵果望
烽燧於此或云木平初見時杖頭挂木餅引以自蔽帝不能見因為置木餅寺
於宮側又延高僧文益住報恩禪院焉

二年秋八月帝幸飲香亭觀蘭詔苑令取滬溪美土為馨烈侯壠培之具 召
前校書郎史虛白至金陵訪以國政不對賜宴便殿溺於陛閒帝曰真隱者也
放還山

三年秋八月我師克建州執閩王王延政送金陵後建陽進茶油花子大小形製各別宮女皆鏤金於面以此花餅施額上號北苑妝 時有軍士耿謙女通黃白術因宋齊邱以入宮帝處之別院號曰先生是秋太后宋氏與耿忽失所在中外大駭月餘或告在方山寶華宮帝亟命景遂迎太后入宮冬十月太后殂耿遂不復見焉

五年春正月丁亥朔大雪帝召齊王景遂等登樓賜宴賦詩俄立景遂為太弟以景遂代為齊王景遂與官僚飲於昭慶宮傳玩玉杯贊善大夫張易有所諫遂忘顧易大言曰殿下重寶輕士何也取玉杯抵柱礎碎之眾皆失色景遂斂容謝之景遂孝友純至嘗從遊後苑泛舟池中帝舟覆景遂在他舟初不善泅遽躍入水負帝出 是歲契丹入中原密州刺史皇甫暉來奔懼不為時所容至秦淮赴水求死舟人亟援出之入朝除歙州刺史 改六合為雄州 七年春正月召大臣宗室赴內香宴 凡中外名香九十二種皆江南所無也 詔摹勒古今法帖上石

八年齊王景達改長慶寺曰奉先以資烈祖冥福 侍中李金全卒葬上元金陵鄉

九年夏五月辛未有星大如五升器自西南流墜西北火燭地聲如雷 秋七

月樂安公弭茂卒追贈慶王葬於婁湖橋 在金陵城南五里 冬十一月我師平湖南

遷馬氏之族於金陵 時右僕射孫晟宅在鳳凰山西岡墉之間韓熙載見其門巷卑陋謂曰湫隘如此何當為相國第耶明年果拜相

十年春李建勳召拜司空營亭榭於鍾山適意泉石累表稱疾以司徒致仕賜號鍾山公妻亦自號鍾山老媪疾革遺令勿封樹立碑貽他日毀掘之禍夏五月卒 是時大旱帝遊後苑登臺望鍾山曰雨即至矣伶人李家明日雨雖來必不入城怪問之曰懼陛下重稅帝遽命減徵權之半 冬十一月劉言據湖南守將敗歸詔斬宋德權任鎬於太社斬申洪泰尹建於都門外

十一年春三月金陵大火踰月焚廬舍營署殆盡 夏六月大旱井泉竭淮流涸蝗起民饑 馮延魯與宋齊邱等結為朋黨內躁競而外言高退嘗早朝集

漏舍歎曰宗賜賀監鏡湖三百里非僕敢望但賜後湖數曲亦遂素志祠部郎中徐鉉笑曰上於近臣豈惜一卒武湖恨無知章耳延魯默然

十二年春正月有大星隕於西北聲如雷 置宣政院於內庭以常夢錫掌密命爲魏岑馮延巳等所忌罷職爲翰林學士 自去年八月不雨至於三月大饑疫

十三年冬十一月周人來侵十二月以安定郡公從嘉爲沿江巡撫置烽堠於龍安山以應江北 是歲天裂東南長二十丈

十四年春三月以奉使私許割地斬李德明於都市 夏四月周遣其將趙匡胤屯六合齊王景達將兵二萬自瓜步濟江相距二十餘里設柵不進周師欲擊之匡胤曰彼設柵自固畏我也今吾眾不滿二千若往擊之則彼見我眾寡矣不如俟其來而擊之居數日齊王進軍六合匡胤奮擊大破之未幾退齊王進次壽州

十五年春三月齊王景達自壽州遁歸金陵 冬十二月都城大火一日數發

時伏龜山圯得釋寶誌所埋石函銘曰莫問江南事江南自有憑乘雞登寶位跨犬出金陵子建司南位安仁秉夜燈東鄰家道闕隨虎遇明徵

交泰元年夏五月割江北地與周和下令去帝號用周正朔自稱國主遣官告於太廟是日金陵大霧通夕不解 是歲周徙雄州仍以爲六合縣

顯德六年春二月朝貴出秦淮禊飲坐中有稱周爲大朝者常夢錫曰諸公平時每言致君堯舜今反自爲小朝耶 夏六月城金陵 秋七月鑄大錢以一當十文曰永通泉寶與舊錢並行已又鑄唐國通寶錢二當開通錢之一 前年立宏冀爲太子而黜太弟景遂宏冀猶忌之因酖殺焉至是見其爲厲於昭慶宮九月丙午宏冀遂卒句容尉張洎以議諡稱旨遷上元尉 冬十二月罷鑄大錢

建隆元年春正月周禪位於殿前都點檢趙匡胤國號宋江南遂用宋正朔是月始鑄鐵錢 冬十一月宋習戰艦於江杜著叛奔於宋師宋主命斬之於下蜀市

二年春二月國主遷於南都以太子從嘉留守金陵從嘉工書畫嘗自稱鍾峯
隱居開崇文館以招賢潘佑與馮佑與李平善平日六朝塚墓多寶鑑寶劍佩
之可以辟鬼會張垠亦好其說乃共買雞籠山古塚地遇休沐則具畚鍤破塚
得古器必傳玩之佑後坐直諫死 夏六月國主殂於南都秋七月太子從嘉
卽位於金陵改名煜令諸司四品至九品無職事者日二員待制於內殿 八
月梓宮至金陵丁未殯於宮中萬壽殿告哀於宋且請追復帝號許之 冬十
二月置龍翔軍以教水戰

三年春正月戊寅葬元宗孝皇帝於順陵 句容尉張泌上封事召拜監察御
史 國主性奢侈嘗於宮中製銷金紅綃幕壁而以白金釘瑋瑁押之又以綠
鈿刷隔眼中障以朱綃植梅於外當春盛時梁棟宮壁柱拱階砌並作隔筒密
插雜花榜曰錦洞天詔取廬山僧舍麝囊花植於移風殿賜名蓬萊紫每七夕
延巧必命取紅白羅十餘疋爲月宮天河之狀常患清暑閣前草生徐錯令以
桂屑布甄縫中宿草果死

乾德元年春二月始行鐵錢 置澄心堂於內苑清輝殿後引文士居之中書
密旨由之以出 國后周氏寵嬖專房創爲高髻纖裳及首翹鬢朵之妝人皆
效之嘗雪夜酣飲請國主起舞創邀醉舞破命賤綴譜俄頃成曲又有恨來遲
破亦后所製故唐盛時霓裳羽衣最爲大曲亂後絕不復傳后得殘譜以琵琶
寫之於是開元天寶之音復傳於江南冬十一月后疾篤親取元宗所賜燒檀
琵琶及平時約臂玉環爲別越三日沐浴妝澤自納舍玉殂於瑤光殿之西室
三年春正月葬昭惠后於懿陵國主哀甚自製誄刻之石與后所愛金屑檀槽
琵琶同葬 秋九月雨沙聖尊后鍾氏殂冬葬光穆皇后於順陵

五年春命兩省侍郎諫議中書舍人集賢勤政殿學士更直光政殿召對咨訪
率至夜分復爲張洎建第於宮城東北隅賜書萬餘卷國主嘗臨幸焉 都城
烽火使韓德霸怙權暴橫國人畏之出遇盧郢調笛不輟使數卒捕郢郢奮肘
搏之卒不能逼後與黃夢錫自國學出又遇德霸不避其呵導德霸叱收之郢
等投瓦石擊走其導從毆德霸傷面德霸訴於國主國主讓曰國子監先帝育

才之地孤亦賴此等與之共治汝關監前是必凌辱士人也遂罷其職明年郢
舉進士

開寶元年冬十一月國主納故后女弟周氏爲后特舉親迎之禮以校鶯代白
雁使銜書民庶觀者如堵后被寵過於昭惠后國主嘗於羣花中作小亭幕以
紅羅與后酣飲其間柔儀殿有主香宮女其焚香之器凡數十種瑾琛奪目有
子蓮三雲鳳折腰獅子小三神山互有又有秋水窅娘二宮人秋水喜簪異花常
字金鳳口嬰王太古容華鼎等名

有蜨透其上窅娘纖麗善舞國主爲作金蓮高六尺命窅娘以帛纏足作新月
形素襪舞於其中由是人多效之 是歲郢王從鎰出鎮宣州國主率近臣賦
詩餞之於綺霞閣

二年冬國主校獵於青龍山還幸大理寺錄囚原貸甚眾時諸郡斷死囚必先
期奏牘遇齋日則於宮內然佛燈達旦不滅則貸死謂之命燈

三年春命境內崇修佛寺改寶公院爲開善道場國主與后僧服誦經拜跪終
日嘗創報慈院令僧行言居之創淨德院令僧智筠居之又有淮北僧自言慕

化遠來善談禪國主令於牛頭山大起蘭若廣召僧徒人謂之小長老

四年秋七月中書侍郎韓熙載卒熙載自去歲卽臥疾戚家山後葬梅岡謝安
墓側徐鉉爲銘 南楚國公從善奉方物朝宋爲宋所留九月國主作卻登高

文以懷焉

五年春二月下令貶損儀制先是金陵殿閣皆用鴟吻至是盡去之

六年江南饑 宋屢徵朝國主稱疾不行

甲戌歲冬十月國主聞宋將興師築城聚糧大爲守備閏十月宋大舉來伐十
一月以浮梁自采石濟每歲江水春夏盛漲謂之黃花水及是水忽縮小眾皆
異之 國主聞宋師至近遣杜彥華督水軍萬人杜真督步軍萬人逆戰宋大

將曹彬敗諸新林寨獲樓船戰棹三十餘艘十二月己酉江南兵又敗於白鷺

洲國主始下令戒嚴去開寶年號繫以干支益募民爲兵初烈祖有國凡民產
二千以上出一卒號
義軍分籍者又出一卒號新擬生軍新置產亦出一卒號新擬軍客戶有三丁
者出一卒號團軍保大中村社競渡打標舟子皆籍姓名至是亦蒐爲兵號凌
波軍又率民間傭奴贅婿號義勇軍募豪民以私財招聚無賴亡命號自在軍
大括境內自老弱外皆爲卒號排門軍民間又自相率拒敵積紙爲甲農器爲

兵皆使

都虞

州

宣

至

苑

有

之

楊

與

何

乙

取巨

具副

師入

丑

夏

藉國

指播

第田

之頃

迴

長

國

維統白甲軍凡十三等 丙寅江南兵又敗於新林港口時諸軍屢挫惟凌波

候沿江都部署盧絳守秦淮水柵戰屢勝諸將復忌之說國主使出援潤

國主以軍旅委皇甫繼勳機事委陳喬張洎分兵署字皆出澄心堂直承

即謂之澄心堂承旨率徐遊等主之又以徐元橘刁衍為內殿傳詔軍書狎

元橘等匿不以聞國主方幸淨居室聽沙門講楞嚴圓覺經用鄱陽隱士周

閒為文館詩易侍講學士延入後苑講易否卦賜金紫 時災異迭見金陵

十鹿作人語叱牧者明年今日汝等作鬼物有神首見於城樓大如車輪額

珠光數日而沒城外沿江列大樓船皆號將軍忽一艘吼如雷國主降杖決

又鳧雁自北來者千羣繞城悲鳴遺矢白臭月餘乃止術士秦友登壽昌堂

復鞮而坐訊之風狂不寤識者曰鞮履也履與李同音友與有同音而趙則

索同出李氏其將覆而為趙乎信元寂素嗜酒嘗歌道中曰酒禿酒禿何榮

但見衣冠成古邱不見江河變陵谷一日醉死石子岡

歲春正月庚寅宋師進攻金陵行營馬軍都指揮使李漢瓊率所部渡淮

艦實以葭葦順風縱火拔其水柵時宋師十餘萬皆在秦淮南岸舟楫未

將潘美日豈限此一衣帶水耶率眾先濟擊敗江南軍 統軍使李雄帥

援遇宋將田欽祚於溧水與其子八人皆戰死欽祚遂克溧水 二月癸

敗江南兵於白鷺洲乙卯拔昇州關城 三月庚寅宋敗江南兵於江中

月又敗之於秦淮北 宋師百道攻城晝夜不息城中米斗萬錢死者枕

主猶不知一日登城見列柵遍野知為左右所蔽大懼召前神衛統軍都

使皇甫繼勳以屬吏繼勳者暉子也以家世拜大將軍資產優贍名園宅

於金陵保惜富貴無效死之志兵民切齒至是甫出宮門軍士雲集鬻割

刻而盡國主又召小長老問禍福對曰臣當以佛力禦之乃登城大呼周

四國主令僧俗軍士念救苦菩薩滿城沸涌未幾四面矢石交下復召小

麾之稱疾不起始疑其為謀酖殺之 夏六月丁卯宋敗江南兵於城下

午宋主令李穆送其江國公從鎰還金陵促國主入朝且令緩攻以俟之

不從 冬十月朱令贇之師敗於皖口金陵愈危 十一月丙戌宋又敗

江南兵於城下先是曹彬等列三柵攻城潘美居其北以圖上宋主指北寨謂曰此宜深溝自固江南人必以夜來寇亟語曹彬等并力速成之彬等即承命自督丁夫掘塹成江南果出兵五千襲北寨彬等縱其至徐擊之皆殲焉彬知城破在旦夕乃與諸將焚香設誓不殺一人己未白虹貫日晝晦金陵城陷將軍高彥馬承信及弟承俊帥壯士數百力戰而死勤政殿學士鍾禕右內史侍郎陳喬皆死之曹彬整軍至宮城國主帥羣臣肉袒降彬慰安之申嚴禁暴之令府庫委轉運使按籍一無所問宮中圖籍萬卷保儀黃氏掌之城將陷國主謂之曰此皆先帝所寶城若不守汝即焚之毋為他人所得又淨德院尼八十餘人皆宮人入道者國主與之約曰如有不虞宮中舉火為應吾與汝輩皆死及是黃氏焚圖籍諸尼望見煙燄遂焚積薪自焚死吳越兵焚昇元閣士大夫及豪民富商避難其上者殆數百人皆死宋諸將置酒會飲召伶工奏樂伶工大痛諸將怒殺而瘞之於江上後人名其地為樂官山

金陵通紀卷七

弟作儀參訂男詒壽校字

金陵通紀卷八上

江甯陳作霖伯雨編輯



宋太祖開寶八年即乙亥歲冬十一月江南平詔出米十萬石振城中饑民大赦江南令呂龜祥詣金陵籍其圖書赴闕得六萬餘卷以江甯府為昇州使楊克讓知州事景定志作克遜避宋諱也初江南後主嘗夢羊升武德殿御牀意惡之至是克讓首坐此府每視事決斷如流以清幹稱以南唐太廟為乾明尼寺毀天保寺九年春正月曹彬遣送江南後主於汴後主渡中江迴望石頭泣下賦詩詔贖諸軍所虜人口還本土曹彬等班師置上元縣都監寨

太宗太平興國元年即開寶九年冬以唐興龍寺為太平興國寺取蔣山大鐘置其中

二年春二月以賈黃中代楊克讓知昇州事州舍有一室封記具全黃中至啟之得李氏珠寶數十匱皆未著籍者即表上之帝嘉之賜錢三十萬黃中又於治所建觀風亭江南轉運使樊若水建築於昇州出銅處置官鑄錢歲得三

十萬緡即改鑄鐵錢為農器以給流民之歸附者 以呂蒙正通判昇州民事不便者許騎置以聞

五年夏五月以劉保勳代賈黃中知昇州事冬十月又以韓遂代之時汰李氏時所度僧昇州通判胡旦曰彼無所歸將為盜矣悉黥為兵 以修真觀址重建天保寺

八年春二月詔禁江南諸州民家私畜兵器 秋七月江水溢

雍熙元年春三月以許驥代韓遂知昇州事

二年春三月江南饑許民渡江自占夏四月遣使振之 秋九月以源護代許

驥知昇州事

三年秋八月詔昇宣等州雍熙二年官所振貸並蠲之 立文宣王廟於治城

端拱元年秋九月以雷有終代源護知昇州事

淳化元年春正月以盧文正代雷有終知昇州事

二年春三月以陳欽祚代盧文正知昇州事

四年春正月江南饑遣使巡撫

五年夏六月以高象先代盧文正知昇州事 江南疫 冬十二月以郭異代

高象先知昇州事 是歲置上元縣淳化鎮 改廣孝寺為壽甯禪院 南唐張洎賜宅也

至道元年春三月以李偉代郭異知昇州事 秋九月詔給昇州每月係省酒

三石

二年以六合隸眞州

三年春三月以宋覃代李偉知昇州事 江南旱除昇州今年秋稅

眞宗咸平元年冬十月以張繼美代宋覃知昇州事 江東轉運使陳靖請江

東二稅外沿征錢物二十四事皆除之

二年夏六月知昇州張繼美卒秋七月以呂祐之代之

三年江南旱遣使振之

四年春二月以劉知信代呂祐之知昇州事

景德元年秋九月以馬亮代劉知信知昇州事亮務求民瘼憫忿鷲之俗挾仇縱火大殲其黨又以潘儀未緝知南唐德昌宮故址積有鉛汞掘得二百餘斤鬻之以備供張 閏九月江南旱遣使決獄訪民疾苦祠境內山川 時民間饑甚湖湘漕舟適至馬亮悉發以振貸因奏瀕江州郡皆大歉願罷官糴令民轉粟相濟從之

二年改陶吳鋪爲金陵鎮 句容知縣水邱濬明天文建占星臺於所治名曰先春

三年立祭龍壇 置江甯縣秣陵鎮 是歲瘴槍洲潰出大樹木二十餘條

四年秋八月以張詠代馬亮知昇州事

大中祥符元年夏四月戊子昇州火遣御史訪民疾苦蠲被焚屋稅張詠廉得縱火之人斬之 是月黃雀蔽日飛過昇州又聞空中若水聲 詔抽昇州雜犯配軍移淮南州軍有少壯堪披帶者部送赴闕 五月入內供奉官鄭志誠取茅山池龍入都帝召輔臣觀之俄遣送還

三年秋八月以昇州亢旱火災遣內使撫問軍民醮禱山川 州民以張詠秩滿借留得允給昇州公用錢歲千貫以優之

四年夏五月張詠言當州水陸要衝有凶頑犯法者請許刺配充軍 六月遣使安撫江南水師 秋八月以江南歲歉命張詠兼江南東路安撫使并提舉兵甲巡檢捉賊公事知州帶安撫使自此始 詔葺太平興國寺及寶誌塔殿五年夏五月江淮旱給占城稻種教民種之 張詠病瘍御下嚴峻通判成悅

以法規之詠頗憚焉累求退閒秋九月以薛映代知昇州事映爲政明恕吏不敢欺每黎明據案決事寒暑無異州有官牛賦牛死不得蠲請除之報允 冬

閏十月詔昇州鑄玉皇聖祖太祖太宗尊像 尋迎置玉清昭應宮 遣知制誥陳堯咨詣

蔣山祭誌公諡曰眞覺 句容知縣水邱濬早遊華陽洞及秩滿作詩寄茅山道士而去

六年賜天禧寺額曰長干寺 先是南唐宮人喬氏出後主手書金字心經捨東京相國寺後江南僧持歸置天禧寺塔相輪中

七年秋八月除江淮被災民租 改崇元館爲崇元觀

八年冬十月以馬亮代薛映再知昇州事

九年冬十月以丁謂代馬亮知昇州事嘗張御賜袁安臥雪圖於賞心亭以宴賓客

天禧元年夏六月丁謂請疏後湖爲塘陂以蓄水備旱廣植蒲芡養魚鼈縱貧民采捕又乞減湖租五百五十餘貫並從之 提點淮南刑獄楊大雅按部過昇遇風舟覆冠服盡喪丁謂遺以衣一襲辭不受 秋八月詔太平興國寺歲度僧二人給米百石 置句容縣常甯鎮 是歲改長干寺曰天禧塔曰聖感二年春改昇州爲江甯府建康軍節度治上元江甯二縣以皇子受益行江甯尹充建康軍節度管下觀察處置等使封昇王 江東轉運使范仲淹開江北長蘆西河

三年秋九月以薛顏代丁謂知江甯府事有邏者晝劫誣平人顏察其色訊之果伏

四年春遣使安撫江淮饑民至秋乃稔 以名武湖爲放生池 改句容縣曰

常甯未幾復舊

五年冬十月以馬亮代薛顏知江甯府事閭里喜其三至多相慶

仁宗天聖元年春二月以王欽若代馬亮知江甯府事夏六月欽若言溧水朱砂已取掘進呈卽今並無苗脈詔罷采取 秋九月以王隨代王欽若知江甯府事會歲饑轉運使令發常平倉米計口以給隨不可曰民饑由兼并閉糴者耳乃大出官粟以糶而私價遂平 句容處士侯遺於茅山營書院教授生徒十餘年王隨奏於茅山齋糧莊田內量給三頃以充用從之 時句容令龔宗元政稱神明部使者重之

三年秋九月以李迪代王隨知江甯府事 冬詔塑王欽若像於茅山列爲仙官

四年夏閏四月戊申減江淮歲漕米五十萬石 六月江淮水肆赦蠲租撫流民

五年秋七月以馬亮代李迪知江甯府事凡四至 鑿義井於天禧寺側

六年秋七月六合江水溢壞官民廬舍遣使安撫振卹

七年夏四月以前平章事張士遜代馬亮知江甯府事奏建江甯府學且請賜國子監書

八年冬十月以滕涉代張士遜知江甯府事

九年冬滕涉卒詔江甯府知府自今並與三司判官轉運副使一等上差遣

明道元年夏四月以李允元知江甯府事 秋江淮旱災官發米爲糜以哺流

民江甯府觀察推官元絳躬自閱給全活甚眾尋攝上元令豪民王豹子占人

田掠男女爲僕妾屢殺告者以滅口絳捕置於法有妻告人殺其夫訊之實不

殺絳赦其妻曰歸治而夫喪某已伏矣陰赦吏迹其後見一僧迎笑私語卽取

繫廡下詰姦狀因得實人稱神明 徵上元主簿吳嗣復爲館閣校勘

二年春詔發運使以上供米百萬斛振江淮饑民被災死者官爲之葬 夏

四月以晏殊代李允元知江甯府事 秋七月命范仲淹安撫江淮所至開倉

振之蠲江東丁口鹽錢 晏殊未至改他官八月以李若谷代知府事 六合

重建長蘆寺

景祐元年春二月減江淮漕米二百萬石 夏四月李若谷疏言乾元節進奉

銀絹向係配買今已進絹二十匹候豐歲依舊買銀詔自今買銀並依市價不

得虧損人民若谷存心愷悌運卒挽舟過境其寒瘠者留養之須春遣去以丐

者分隸僧寺助給春爨時循良吏又有上元令方楷獲盜不干賞曰吾爲天子

舉職耳何功之有 國子監直講張元用乞致仕以嘗爲江甯府學助教欲於

府學居住詔守本官歸江甯府說書 以陳執中代李若谷知江甯府事執中

徙府學於古浮橋東北

在府治東南

三年春二月以張若谷代陳執中知江甯府事

寶元元年冬十一月以盛京代張若谷知江甯府事京天資仁厚而吏自不忍

欺

康定元年夏四月以郎簡代盛京知江甯府事

慶厯元年春三月以葉清臣代郎簡知江甯府事清臣建望雲臺於廡中

三年夏四月以劉沆代葉清臣知江甯府事冬十月又以楊告代之有盜殺商人鑿舟沈尸被誣者已答服告疑而釋之未幾果得真盜 建業承李氏後版籍賦輿皆無法制每有發斂府移追擾江甯令蘇頌曰此令職也府何與焉每因治訴旁問鄰里丁產多寡悉得其詳及更定戶籍有自占不實者輒曰汝家尚有某丁某產何不言民顧而驚毋敢隱又爲革宿弊設條教簡而易行諸縣取以爲法民有忿爭者喻以鄉黨宜相親善若以小忿失歡心緩急何賴往往釋憾去或半道思其言歸縣以大治又句容令方竣興學校重修孔廟亦有政聲

四年江甯開寶寺塔災詔取舊瘞舍利入內瞻禮畢送還本寺

五年冬十月楊告卒十一月以李宥代知江甯府事

八年春正月江甯府營兵謀亂事覺伏誅俄而府治火李宥懼有變閉門不救一府盡焚惟存一便廳南唐之玉燭殿也帝怒以江甯始封之地宜擇才臣繕治之二月以張奎代李宥知府事至則簡材料工府居立全鋹姦植良江表稱

治

皇祐元年夏四月以張方平代張奎知江甯府事

三年夏四月以皇甫泌代張方平知江甯府事始帶提轄本路兵甲盜賊公事益屯禁兵 秋八月江南饑遣使安撫

四年春三月丙辰詔江南民所貸種糧數十萬斛皆蠲之 夏四月以劉湜代皇甫泌知江甯府事湜見民饑甚奏運蘇州米五十萬斛以振之

五年江甯蝗

至和元年秋九月以向傳式代劉湜知江甯府事

嘉祐元年夏五月江盜 秋九月以包拯代向傳式知江甯府事

二年春二月以王琪代包拯知江甯府事於時境多火災或託以鬼神人不敢救琪召庸邏作賞捕法得姦人誅之其患遂息

三年秋九月以梅摯代王琪知江甯府事摯初爲上元令性純靜至是不改其度

四年詔江甯府置江南東路兵馬鈐轄

五年春二月以王琪代梅摯再知江甯府事夏四月以馮京代之

七年春二月以魏瑛代馮京知江甯府事夏四月以郭申錫代之冬十月以王贄代之

八年上元主簿程顥以近府良田多爲豪家所占小民之稅獨重乃以法均之尋攝令事江南稻畦皆資陂塘以溉盛夏隄決顥不及上請發民塞之歲則大熟運卒病者舊爲壘處之曰小營子既留始請於府給券乃得食人多飢死顥白轉運使儲米營中生全者大半茅山有池畜龍衆以爲神物顥捕而贈之又折人黏竿以全禽鳥

英宗治平元年夏四月以彭思永代王贄知江甯府事自蒞任迄去無火災人以爲異

二年建吉祥寺

三年春二月以呂溱代彭思永知江甯府事冬十一月以龔鼎臣代之 召簽

書江甯節度判官孫昌齡爲殿中侍御史

四年夏五月以王安石代龔鼎臣知江甯府事安石居金陵有重名屢召不起及聞是命卽詣府視事 冬十月詔選使臣差禁軍一二百人駐江甯龍安港增戰棹三兩隻移巡檢廨宇止絕鹽賊 是月以孫思恭代王安石知江甯府事

神宗熙甯元年夏四月以吳中復代孫思恭知江甯府事時屬部郵兵苦巡轄者苛刻輒共縛鞭之中復以便宜戮其魁餘並配流奏著於令 有蝗飛自江北來

二年秋八月以錢公輔代吳中復知江甯府事 時溧水令闕起整飭機務興學校

三年夏四月監察御史裏行王子韶坐言事不當落職知上元縣事 冬十月詔江甯府織羅務自今並三班差人不用內侍十一月詔江甯府錄事參軍今後差職官知縣及奏舉縣令人充

四年夏六月以沈起代錢公輔知江甯府事

五年春二月以傅堯俞代沈起知江甯府事 秋閏七月分京東武衛軍權駐泊江甯府以備盜賊

六年夏四月以沈立代傅堯俞知江甯府事 冬十月振江淮饑

七年夏六月以前平章事王安石代沈立再知江甯府事 賜江甯府常平倉米五萬石以修水利時有議開馬昌河通滁州者六合令朱定國以費大利微止之

八年春正月輟江南東路上供米給災傷州軍 夏六月以葉均代王安石知江甯府事

九年詔發運使體實江東米價州縣所存上供米減直予民 初王安石築室於白門外去蔣山七里是冬罷政居之其妻弟吳某來謁寓止佛寺行香廳會同天節知江甯府葉均欲遣吳出吳謾罵之轉運使毛沆判官李琮不平牒縣遣二卓逮吳吳奔安石家卓追入安石叱出之均聞杖二卓而與沆琮往謝適

遇中使存問安石歸卽奏聞於是均等皆罷十一月安石以左僕射門下侍郎平章事判江甯府事

十年春王安石奏請於武湖開十字河泄去餘水使貧民得贏蚌魚蝦之饒水退後假以牛種使得耕種隨其土色高低歲收水面錢勿令豪強侵占車駕巡守復爲湖面則公私兩便矣從之至冬懇辭府任乃以爲集禧宮使復使其弟安國爲江甯府監當安上提點江東刑獄遷治所於金陵以便省視十月以元積中知江甯府事十二月以呂嘉問代之

元豐元年冬十月以孫昌齡代呂嘉問知江甯府事

二年秋七月以元積中代孫昌齡再知江甯府事

三年秋八月以孫坦代元積中知江甯府事冬十月又以劉庠代之 中書檢正官張商英爲舒亶所陷落職監江甯縣稅 王安石居金陵每於鍾山書院壁上寫福建子三字悔爲呂惠卿所誤也是年蘇軾自黃州移汝過見安石意甚款洽

四年秋七月大風江湖漂沒廬舍損禾稼 時溧水令周邠性廉稅賦外秋毫不取

五年春二月以陳繹代劉庠知江甯府事

六年秋八月以王益柔代陳繹知江甯府事

七年夏五月詔中書舍人蔡卞往江甯府省視王安石病六月安石請以所居上元縣園屋為僧寺敕賜報甯為額即今之牛山寺也 秋九月以王安禮知江甯府事

事

八年帝聞王安石貧命中使甘師顏賜之金安石好為詭異即以施之林僧舍哲宗元祐元年冬十二月以蔡卞代王安禮知江甯府事

四年夏四月以林希代蔡卞知江甯府事六月以熊本代之

六年春二月賜蔣子文祠額曰惠烈 夏四月以謝麟代熊本知江甯府事秋

八月以黃履代之

七年冬十月以陸佃代黃履知江甯府事時有盜嫂害其兄者別誣二人同謀

皆抵罪一囚父稱冤通判以下皆曰獄已成不可變佃為閭實之人皆得生

八年夏四月以曾肇代陸佃知江甯府事 時溧水令周邦彥留意文章不妨

政事有蕭閒堂插竹亭題名諸記

紹聖二年以何正臣知江甯府事兼江南東路鈐轄知府兼鈐轄自此始左

司郎中張商英坐與蓋漸交通又謫添差江甯府稅務

三年夏六月江甯上元二縣並行謁禁法從敕令所言也 以呂惠卿知江甯

府事

四年秋九月詔茅山道士劉混康詣闕轉運司給路費百緡 以陳軒知江甯

府事

元符元年差王旂監江甯府糧料院旂安國子也

二年以呂升卿知江甯府事

三年以葉濤知江甯府事秋七月以蔡卞代之冬十一月以蔡京代之皆不取

徽宗建中靖國元年以鄧祐甫知江甯府事祐甫乞以府學所建王安石祠列

祀典從之

崇甯元年以陳祐甫知江甯府亭 冬十二月詔江南開遇明河自宣化江口至泗州淮河

二年春正月乙丑詔許茅山道士劉混康修建道觀 以朱顏知江甯府事

三年夏五月頒元祐黨人姓名於州縣令刻石江甯府立碑於筮橋 六月江甯府進士侍其瑀以經行被薦詔赴闕 以王漢之知江甯府事

四年以徐勤知江甯府事尋以黨人免

五年春正月以蔣靜知江甯府事時劉混康之徒倚勢為奸靜悉抵於法因罷去以姚祐代之

大觀元年以曾孝序代姚祐知江甯府事 詔以江甯府險固足守改為帥府

冬十月詔修茅山元符觀句曲真人祠三茅君皆加真君號又封元符萬甯宮神祠為護聖侯廟萬甯宮二使者祠為靈佑靈護侯廟

二年以盧航知江甯府事 時溧水令張革以強明清白著名

三年詔江甯府管界巡檢今後並差大使臣充 以沈錫知江甯府事秋七月

以曾孝序代之是時大旱孝序再莅茲任乃出糶常平米穀並措置振濟仍將常平司諸色錢諸司封椿錢收糶稻種候來春糶與耕農 詔減江甯府歲貢

生白瓜子羅三分之一

四年以薛昂代曾孝序知江甯府事刑不加峻而豪猾斂迹盜警火患皆無復聞

政和元年改崇甯觀為天甯萬壽觀

三年以吳拭知江甯府事 江東旱

四年以盧航再知江甯府事 圍溧水南湖為田名永豐圩招民認佃

五年夏六月江甯府水 改齊安寺為淨妙寺

六年以蔡疑知江甯府事疑建石橋於府治前人呼蔡公橋

八年以俞棗知江甯府事

重和元年江淮水詔監司督責州縣還集流民

宣和元年以王漢之再知江甯府事漢之經術政理文辭字畫當時皆推第一

二年冬十月詔減省江甯府添差兵官人數

三年春正月詔以方臘猖獗金陵乃喉襟之地當扼要以守時王稟扼揚子江

口劉鎮守江甯未幾甯國陷旌德令劉延慶退至金陵江東大震王漢之誓死

登陣日夜訓練數獲間諜人心乃安俄而賊平夏五月詔陸賊雖靖餘孽當防

江甯府可帶安撫使留兵戍守並令修江甯府城壁仍招置修城兵二百人

秋八月曲赦江東路

五年夏四月江南東西路設提舉鹽事官置司江甯府 以盧襄知江甯府事

六年發運使盧某得古漕河於靖安鎮之下缺口乃開新河於南岸以避大江

之險

七年秋九月盧襄奏請罷丹陽石臼固城二湖為圩田又言開銀林河非急務

從之

欽宗靖康元年春以曾孝序三知江甯府事夏五月以宇文粹中代之

金陵通紀卷八下

江甯陳作霖伯兩編輯



宋高宗建炎元年夏五月江甯府禁卒周德叛執知府宇文粹中嬰城拒守會

經制司屬官鮑貽遜統勤王兵過境發運使判官方孟卿檄其進兵逼城德懼

乃降而殺掠如故新除尙書僕射李綱行次江甯密與轉運使權府事李彌遠

遠畢鑑作遜謀大犒羣賊於轉運司誅首惡五十人其餘眾令常平提舉王昉

今從景定志部送行在時溧陽縣卒亦起應德縣令楊邦乂捕滅之遷本府通判 是月詔

江甯府修建景靈宮諸帝后分為二殿 以翁彥國知江甯府事充經制使

六月李綱至行在請以建康為東都命守臣葺城池治官室積糧儲以備巡幸

於是置沿江帥府江甯府帶本路安撫使馬步軍都總管 翁彥國以營造經

費不足請詔令撥移神霄宮及常平司廨宇一切拆舊修蓋城壁亦因舊增葺

尋為黃潛善所陷以騷擾令致仕秋八月起復趙明誠知江甯府事 是月殿

前都指揮使郭仲荀護衛隆祐太后赴江甯節制一行軍馬未幾適杭州 徙

宗室於江淮避敵於是南班至江甯者三十餘人 冬十月

及江甯府界招捉盜賊制置使 二年春正月黃州賊張遇東下犯江甯劉光世擊走之 夏

繫囚雜犯死罪以下減一等杖以下釋之 戶部尙書葉夢得

撫使居江甯以備退保 冬十月大霖雨 十二月詔江東路

甯府置司 三年春正月帝幸浙西以楊惟忠節制江南東路軍馬屯江甯

制王亦將京軍駐江甯謀作亂江東副使李謨規知之以告

信乃率所屬民兵伏塗巷中柵其隘夜半天慶觀火諸軍譟

入斧南門以遁遲明訪守臣則明誠與通判母邱絳等皆繼

將移蹕江甯應江甯府合豫辦一行程頓等事仍命呂頤浩

領江甯府事兼江南東路安撫制置等使 是月苗傅劉正

內禪改元明受赦書至江甯呂頤浩倡議討賊檄主管侍衛

忠留鎮江甯甲午頤浩發江甯晚次句容驛援筆紀起師月日

號諭縣令采石刊之以堅士心遂由丹陽而進至杭州夏四月

頤浩留相以連南夫知江甯府事 五月帝自杭州幸江甯駐

改江甯府爲建康府 六月帝以久雨不止詔郎官以上赴都

申隆祐太后至建康帝率羣臣迎於郊外 甲戌帝自神霄宮

宮 秋七月浙江制置使韓世忠執苗傅劉正彥至建康詔磔

子勇疾甫瘳有宮人誤觸金鼎有聲太子聞而驚疾遂復發帝

庶下俄而太子薨年三歲攢於建康城中鐵塔寺西偏之小室

治保甯僧舍而韓世忠屯蔣山以知府事連南夫緩不及事遂

寺 庚子以湯東野知建康府事成兵故多羣盜喜攘奪市井

不少貧民情以安 是日川陝宣撫制置使張浚將赴鎮出

守杜充棄汴還至江甯鎮與浚遇屏人語久之 壬寅以金丘

后率六官赴豫章且載太廟神主景靈宮神御以行壬戌太后

劉光世爲江淮

以月詔疏決江甯

請以重臣爲宣

武臣提刑於江

二月御營統

府事趙明誠不

甫出王亦至不得

出矣 三月詔

向簽書樞密院

城作亂杭州逼帝

軍司公事楊惟

且大書建炎之

帝復位二兇遁

蹕神霄宮御筆

宣言闕失 庚

入居建康府行

於市 丙戌太

怒命斬宮人於

時建康府寓

於內東門 八月庚午奉安滁州端命殿太祖御容於建康府天甯萬壽觀
閏八月以胡舜陟代湯東野知建康府事兼沿江制置使以杜充兼江淮宣撫
使領行營守建康節制諸將壬寅帝發建康如浙西 冬十月建康府都總管
司於東陽鎮添置巡檢一員撥禁軍一百人捍禦 置榷貨務都茶場於建康
以陳邦光代胡舜陟知建康府事 十一月戊申金烏珠破和州遂與李成
共寇烏江縣丁巳陷六合縣 杜充在建康以其兵六萬列戍江南岸而閉門
不出統制岳飛扣閣切諫不聽 壬戌金人由馬家渡濟江都統制陳淬率岳
飛等將兵三萬拒之御營前軍統制王玘率千人為援甲子淬與金人戰玘引
兵先遁淬孤軍力不敵還屯蔣山水軍統制邵青以一舟十八人當金人於江
中舟師張青中十七矢遂退於竹篠港金兵進再戰陳淬敗死諸將皆潰岳飛
獨力戰灑血厲眾曰今日之事有死無二輒出此門者斬戰未決杜充竟以金
陵府庫與其家絕江遁飛不能支亦敗去充至真州諸將欲害之充聞不敢入
營居長蘆寺烏珠遣人說之遂降金 辛未金兵逼建康前上元縣丞趙壘之

迎戰死戶部尚書李忱及知府陳邦光具降狀遣人即十里亭投之烏珠大喜
遂入城邦光帥官屬迎拜獨通判楊邦乂不從烏珠遣人誘以官以首觸階求
死不能屈時居民爭出城取蔣山路而去金人馳騎往遮之約居民復回城中
癸酉金人宴李忱陳邦光於堂立楊邦乂階下邦乂熟視二降臣曰天子以
若扞城既不能死又不能抗尙何面目見我乎金人怒命引去明日再引以見
邦乂遙望烏珠大罵烏珠令殺之剖其心事聞贈直祕閣諡忠襄即死所立廟
曰褒忠從死者有忠義陳都義山秦
賈隅官僚從陳大伴三人 十二月辛巳烏珠陷溧水縣尉潘振死
之遂趣廣德軍入浙 是歲江南大旱

四年夏四月烏珠自浙歸欲渡鎮江浙西制置使韓世忠以海舟扼諸金山下
不得濟或曰老鸛河故道雖塞若鑿之可通秦淮乃於蘆場地穿渠二十餘里
直指冶城西南隅一夜渠成次晨引舟師入渠世忠大驚尾擊敗之金人遂悉
趣建康右軍統制岳飛設伏於牛首山待之夜半令百人衣黑混金營中使自
相驚擾有邏卒出則伺而禽之遂敗其眾於清水亭 五月壬子金人焚建康

掠人民財物欲自靜安渡宣化而去岳飛聞之馳至南門新城爲營大破其眾於龍灣 烏珠率舟師出江與韓世忠相持於黃天蕩仍不得濟乃揭榜募人獻破海舟策有教其以火箭射者明日天霽無風海舟皆不能動金人以火箭射之世忠軍亂遂敗至瓜步棄舟而陸旋還鎮江烏珠因絕江而去時真州守將王冠棄城率軍民渡江屯溧水溧陽之間權通判建康府錢需糾率鄉民邀敵之後因從岳飛入城遂攝府事 烏珠屯六合輜重自瓜步口運轉軸轡不絕無敢擊者 是月沿江分三路置安撫大使以建康等府屬東路駐池州 秋八月以趙喙知建康府事兼江東兵馬鈐轄節制管內軍馬省安撫使都總管銜 九月江東安撫使復置於建康府 冬十月江東賊張琪犯建康旋退紹興元年春二月宣州賊祝友降於劉光世以兵馬副鈐轄王冠駐溧水移書假道冠不答友遂擊冠敗之而自句容趣鎮江 夏五月真揚鎮撫使郭仲威欲往九江從李成以滁濠鎮撫使劉綱屯建康之雨花臺不敢過乃取他道行 六月以張縝代趙喙知建康府事 置兩淮屯田局於建康 冬十一月以

葉夢得代張縝知建康府事兼江東安撫大使馬步軍都總管夢得始至建康見兵不滿三千人乃調統制韓世清一軍自宣州移屯金陵未至淮南賊王才來降舉充建康府兵馬鈐轄汰留其眾得正兵三千人分隸諸軍時當大兵之後暴骨如莽復出羨穀私錢募近城五寺二十僧於城四隅高原隙地各爲穴以掩藏之經營甫定即修整學校延集諸生得軍賦餘緡六百萬以授學官使刊六經於學

二年春詔沿江修守備時知無爲軍王彥恢言建康古都乃用武之地欲保建康必內以大江爲控扼外以淮甸爲藩籬又必措置軍食以贍國費大江以南千里浩渺若欲控扼非戰艦不可大江以北萬里坦夷欲遏長驅非戰車不可舒廬滁和良田萬頃欲措置軍食非營田不可又言江面自建康至姑孰一百八十里其間可守之險六則江甯鎮磯砂夾采石大信蕪湖繁昌而已吳表臣亦言大江自荆至潤其要不過七渡下游最緊處如建康之宣化鎮江之瓜步是也此處嚴爲之防餘從略可矣皆以付江東帥臣 夏以李光代葉夢得知

建康府事詔以府治爲行宮築子城曰皇城光因乞行宮增劬後殿許之仍修蓋三省樞密院百司及營房等秋八月乙卯詔防秋屆期建康修大內可罷詔自九月朔日江口渡處量留一二舟以備轉送文字餘皆泊南岸至十月以後大江更不得通行如違並依軍法俟過防秋如舊九月命沿江岸置烽火臺凡八建康之馬家渡大城堙三山與焉是月江東西宣撫使韓世忠移司建康冬十一月詔孟庾韓世忠措置建康府南北岸屯田十二月以趙鼎代李光知建康府事時孟庾韓世忠軍多招安強寇鼎爲二府素號剛直庾世忠皆加禮兩軍肅然知懼民旣安堵商旅通行焉江東轉運使月椿錢十萬緡以酒稅上供經制等鈔應副韓世忠軍民苦之江東有月椿錢自此始三年春正月詔戶部侍郎姚舜明赴建康總領都督府錢糧建康榷貨務都茶場亦歸提領夏五月以歐陽懋代趙鼎知建康府事秋八月以沈晦代之冬十月僞齊將王彥先揚兵淮上有南渡意移韓世忠軍屯淮東以江東宣撫使劉光世駐建康扼馬家渡十二月以呂祉代沈晦知建康府事是歲移

建康府榷貨務都茶場於鎮江

四年夏五月辛亥呂祉乞存舊行宮以爲便殿許之六月詔車駕不測行幸令建康速備頓遞不得擾民秋七月呂祉招置水軍三指揮以五千人爲額並支錢三萬貫造船冬十月詔劉光世援鎮江淮西宣撫使張俊自采石移軍建康時金齊合兵南侵烏珠屯六合之竹墩淮東宣撫使韓世忠扼之不得進十二月神武右軍統制盧師迪至竹墩鎮遇金兵敗之

五年春正月詔江東轉運使司修治建康行宮及城壁是月徙張俊爲江東宣撫使置司建康三月以葉宗諤代呂祉知建康府事

六年夏六月都督張浚會諸將於江上且請帝臨幸建康撫三軍以圖恢復冬十二月都督行府參議呂祉至建康措置移蹕事務詔撥建康官田十頃賜王稟家以其盡節太原也

七年春正月詔差內侍一員詣建康元符萬壽宮爲道君皇帝修建祈福道場置御前軍器局於建康三月帝幸建康宣撫使岳飛扈從已抵下蜀庚

午宿東陽辛未至金陵行宮皆因張浚所修之舊寢殿之後庖圍皆無帝既駐蹕加葺小屋數間爲寢居及宮人寢息之所 是日詔奉安太廟神主於天慶觀天章閣神御於法寶寺 癸酉詔減建康流罪以下囚蠲建康逋賦及下戶今年身丁錢又免五等戶科數一年 知建康府葉宗諤率文武官朝獻 丙子胡安國見於行宮上所纂春秋傳 乙酉賜少師劉光世第於建康 江東安撫司幹辦公事王謬獻六朝進取事類與陞擢差遣 癸巳築太廟於建康戊戌濬建康城濠 詔修楊邦乂褒忠廟賜田三頃 夏四月以張澄知建康府事 秋七月建康旱疫壬申張浚乞率從官禱雨 甲申詔建康民貧病者畀之藥死者助其葬 乙酉詔就建康權正社稷之位 九月戊寅帝致齋於射殿已卯酌獻聖祖於常朝殿庚辰朝享太廟辛巳合祀天地於明堂 冬十月久雨詔侍從官詣保甯寺祈晴仍令建康府如法籲禱時都督府請修府城期會迫促又以軍儲不足夏稅正絹每疋折錢八緡以知府張澄言罷役減稅著爲例 十一月置贍軍酒庫於建康 乙卯徽宗喪卒哭埋重於報恩觀十

二月丁卯祔徽宗神主於太廟癸未奉九廟神主還浙西百官辭於城外 是月寓建康朝官張宗元家槃冰有文如畫變態日異至春暄乃止 是年築宣化渡城

八年春正月戊子朔帝在建康尙書左僕射趙鼎率百官遙拜淵聖皇帝於南宮門外退詣常朝殿進名奉慰 帝將還浙二月以章誼代張澄知建康府事充江東安撫大使兼行宮留守司公事安撫兼留守始此 癸亥帝發建康宿東陽甲子次下蜀遂如臨安 是月減建康夏稅折輸錢蠲民戶逋租和市科調 夏六月以葉夢得代章誼再知建康府事充江南東路制置大使兼留守夢得以公府羨錢售經史諸書建紉書閣藏之嘉溧水主簿魯訐之材命行江甯縣事百里以治 秋八月蠲江東月椿錢 是歲建轉運司於行宮西又建總領所廨中有光華堂碧鮮亭

九年春葉夢得修建康府學闕門南向以面奉淮又作小學於大門之東奏增教官一員重建晉卞壺祠於墓側賜額忠烈 夏四月詔建康府以永豐圩田

撥賜韓世忠 改天甯萬壽觀為報恩光孝觀專充追崇徽宗道場

十年建康大火延燒府治惟軍資庫及大軍庫無損 初元豐閒句容令葉表以學舍汚漏度縣南廢驛造之至是復圯知縣事龔濤重修焉 溧水令李朝正均稅不擾政績著聞詔遷一官賜五品服繼之者為章籍亦以清勤稱

十一年春二月金人寇邊烏珠自合肥趨歷陽江東宣撫使張俊時駐建康遣統制王德渡江擊之而自引軍為繼德曰明且當會食歷陽已而夜拔和州晨迎俊入乙亥金人來攻俊敗之 葉夢得團集民兵數萬分布江津遣其子書寫機宜文字模領眾守馬家渡鄺瓊來犯知有備乃去 三月張俊歸建康人號鐵山軍時禁旅及諸道之軍四集葉夢得兼領四路漕計饋餉不乏朝廷嘉之 置江淮軍馬錢糧總領所於建康 秋大旱 九月參知政事范同歸溧水葬父詔本路轉運司應副

十二年春正月以王德為御前諸軍統制總張俊兵駐建康 時以將與金和諸將兵皆罷故也 十三年春正月以孟宗厚代葉夢得知建康府事 是年溧水尉喻仲遠得漢

光和校官碑於固城湖中

十四年春二月以張守代孟宗厚知建康府事

十五年夏四月以晁謙之代張守知建康府事 秋七月戶部請免建康民戶見欠官錢六萬餘貫冬十月晁謙之請免本府近年增起上供米額二萬四千石皆從之

十六年夏五月以御書石經頒建康府學

十七年建康火 秋九月蠲江東月椿錢 時秦檜勢橫甚江甯令葉義問召役所親同僚不可義問曰舍是何以服他人卒役之又溧水令姚耆宗亦詳明不苛或稱六合冶山有金鑛將發之縣令龔相謂地近邊恐生釁乃止龍津石橋圯相設浮航以濟民便之

十八年夏建康旱 五月以鄭滋代晁謙之知建康府事

十九年夏四月以俞俟代鄭滋知建康府事 秋七月俞俟言江東屯駐大軍轉運判官鄭僑年才術精敏有裨軍事乞再任許之 冬十二月以王嗣代知

建康府事

二十年秋八月建康府選鋒軍使臣張橫毆死百姓馬臯詔貸死除名送饒州
編管

二十一年冬十二月內侍吳曇主管建康行宮匙鑰盜錢入已詔貸死除名

二十二年夏四月以楊愿代王嗣知建康府事

二十三年春二月以王循友代楊愿知建康府事在任斷配秦檜族人檜銜之

二十四年夏四月假事與獄安置王循友於藤州五月以宋貺代知建康府事

時秦檜還省祖墓因遊茅山留詩華陽觀有家山福地古之魁一日三峯秀氣

回句貺為鐫板置梁間或和題其側云富貴而驕是罪魁朱顏綠鬢幾時回莫

知所來貺大懼

二十五年冬十一月秦煇言舅王會見知平江府乞與宋貺兩易其任俾得照

顧家屬詔許之遂以會知建康府事 是年封秦檜為建康郡王

二十六年春二月以張燾代王會知建康府事 秋八月上元縣丞汪蕢奏乞

將元豐崇甯以來見行學法纂類頒降仍令監司覺察從之 是年增解額
名

二十七年張燾奏免積歲欠負內庫錢帛鉅萬 詔以川馬給諸軍建康得七

百五十四匹

二十九年夏閏六月詔建康府起發冰段勞費人力令截止津遣 以口仲通

知建康府事仲通以法律進御僚吏嚴事無敢可否民有刃傷盜桑者盜投縲

死吏當其主故殺抵罪推官蕭之敏抗執不署仲通初大怒已而薦之改秩

三十年夏六月詔賜建康城北黑龍神祠額曰孚澤茅山天聖觀龍神祠額曰

廣濟 殿中侍御史杜莘老言逆虜敗盟請車駕駐建康以督諸將

三十一年春三月以王綸知建康府事綸建畫錦堂於府治以紀恩寵 夏四

月金人犯淮西詔都統制王權戍建康 秋九月江淮制置使劉錡檄王權渡

江迎敵權以舟載其家泊新河為遁計錡再檄督之乃往廬州尋退屯和州築

城以居 冬十月金統軍蕭琦引兵至瓦梁扼滁河不得渡執鄉民歐大大懼

撥赴建康等處安頓以助軍馬支用 是月宿州師失利張浚分布諸屯使郭振守六合邵宏淵貶官仍前建康都統制 秋八月江東大水悉蠲其租 是年李衡蘇楷相繼知溧水縣衡重學校楷有吏才

二年春三月以張孝祥代陳之茂知建康府事 夏詔置忠毅柵於石頭城以處降人除降將蕭琦爲都統制命建康都統制王彥以北軍千人與之 六月建康大水浸城郭壞廬舍操舟行市者累日詔振其民 冬十月以呂擢代張孝祥知建康府事 十一月甲辰步軍司統制崔泉敗金兵於六合明年復與金和

乾道元年春二月以汪澈代呂擢知建康府事先是張孝祥奏秦淮之水流入府城別無兩派正河自鎮淮橋直注大江其一爲青溪自天津橋出柵寨門亦入於江緣柵寨門地近爲有力者所得遂築斷青溪水口創爲花園每雨水暴至正河不能宣洩水勢於是泛溢城內居民被害今欲復通柵寨門使青溪徑直入江則城內永無水患矣及是詔汪澈措定以聞澈言開西園古河道通柵

寨門尤便從之 三月詔建康都統制提舉措置沿邊屯田守臣兼管屯田使

夏汪澈請修築建康府城許之 四月罷江淮都督府 秋八月以建康行

宮所隸永豐圩藏米三萬餘石撥付本府軍食 九月詔故太尉蕭琦妻耶律

氏孀居俸薄令建康府按月存卹 冬十月以王佐代汪澈知建康府事

二年春正月省六合戍兵以所墾田還民 二月丁丑振江東饑 夏五月江

東安撫司建康府并都統司酒庫並撥付淮西總領所 癸丑以太白經天罷

修建康府行宮 六月建康民朱端明崔光烈謀反伏誅 秋詔建康府守臣

存卹貧乏歸正人 八月以陳之茂代王佐再知建康府事 九月上元縣令

李允升私置上庫收緝盜錢入已詔貸死籍沒 冬十月以方滋代王佐知建

康府事 十二月詔建康府筮橋酒庫依舊撥蕭鵬巴軍管幹收息錢充犒賞

用 是年六合武鋒軍壘火

三年春二月以武經龜鑑賜建康都統制劉源 夏江東蝗振之 秋九月以

史正志知建康府事兼沿江水軍制置使並提舉學事冬十月就令建康都統

通紀卷八下
十
司招水軍五百人 十二月增修六合縣城淮西制置使胡昉奏興瓦梁堰以不便六合遂已

四年春三月史正志置船塢於建康增造一車十二槳四百料戰船又以蔡寬夫宅創貢院重建新亭東冶亭二水亭移放生池於淮水東建青溪閣 置廣濟新倉 設和州鑄錢監 秋七月建康水 冬十二月減江東明年夏稅和市之半

五年春二月詔殿前馬步軍司各差統制一員前往建康同江東帥漕措置修蓋牧馬官兵寨屋 是年修建康府城及鎮淮飲虹二橋橋上爲大屋數十楹極壯麗

六年春正月詔罷和州屯田 三月以唐瑑代史正志知建康府事 夏五月建康水城市有深丈餘者閏月詔江東轉運司免被水人口今年身丁錢 冬十一月詔建康府添置行宮酒庫一所以息錢貼助移屯軍馬支遣聽候御前支用

七年春丞相虞允文移馬軍司屯於建康 三月振江東旱饑 夏五月詔建康府都統李舜舉移廬州所置軍酒庫於建康 六月以洪遵知建康府事初至勝民苗米正額外不輸耗納稅時聽民自持槩量又有威重斬營卒妄言搖眾者軍無敢譁

八年春詔以正覺禪院彭普海管幹元懿太子攢宮香火年勞賜度牒一道 秋七月詔免建康府絹二千五百匹 冬十一月詔建康府都統郭剛將戰馬就近牧養

九年建康旱

清熙元年春正月以葉衡代洪遵知建康府兼管內勸農營田使守臣以勸農營田繫銜始此夏五月以胡元質代之

二年春三月以劉琪代胡元質知建康府事夏大旱饑琪首奏倚閣三等戶夏稅分遣官吏行田蠲租出官錢糶米數萬斛借發常平米十餘萬斛助振饑民令州縣勿徵舊逋又奏禁上流郡縣稅米過糶違者劾治穀價以平闔境數十

萬人無一人捐瘠流徙者鄰境亦賴以濟官民感之爲立生祠 時司馬僖爲
溧水令爲政不苛 冬十月建康都統制郭振請造多槩飛江船詔令仍將車
船修葺

三年秋劉琪重修府學立程明道祠朱熹爲文記之 冬十月開六合新河

四年春正月詔沿江諸軍歲再習水戰 夏建康雨雹民饑

五年夏六月置建康府轉般倉 閏六月連雨雹 冬十月以陳俊卿判建康

府事凡再至

八年夏四月以范成大代陳俊卿知建康府事適歲旱成大招徠商賈捐閣夏

稅蠲苗額三之二以軍儲二十萬石振饑民 冬十二月范成大進上元縣所

種二麥 是年曾炎爲江甯縣令江甯軍民雜處治訟多牽制炎不以利害回

撓壹意字民催科不擾而辦暇時撫前輩賢令言行爲邑政總類一書故施於

臨民迎刃而解

九年秋七月六合蝗 盜發柴溝去城二十里又劫江賊徐五稱靜江大將軍

范成大皆捕誅之 是年張孝伯爲江甯縣令奏停年租額外徵辦

十年夏六月詔經理屯田建康都統郭剛奏開歷陽荒屯五百餘頃用官兵千

五百人 建康旱 秋八月范成大乞祠去成大在鎮一年以餘財代輸下戶

秋苗及丁錢一半九月以錢良臣知建康府事上元縣荒地五百餘頃良臣令

修築開耕

十一年夏建康大水五月詔支常平錢米振之始立養濟院 秋七月禁諸州

過糶

十二年建蛇盤驛 詔戒飭建康都統閻仲 時溧水縣令吳友聞以折獄知

名

十三年春三月移采石水軍二千五百人屯靖安鎮

十五年夏四月陳亮上經營建業疏其略曰今之建業非昔之建業也臣嘗登

石頭鍾阜而望今也直在沙觜之旁耳鍾阜之支隴隱隱而下今行宮據其平

處以臨城市之前則逼山而斗絕焉此必後世之讀山經而相宅者之所定江

南李氏之所爲非有據高臨下以乘正氣而用之之意也本朝以至仁平天下不恃險以爲固而與天下共守之故因而不廢耳臣嘗問之鍾阜之僧亦能言臺城在鍾阜之側大司馬門適當今馬軍新營之旁耳其地據高臨下東環平岡以爲固西城石頭以爲重帶乎武以爲險擁秦淮青溪以爲阻是以王氣可乘而運動如意若如今城則費侯景數日力耳曹彬之登長干烏珠之上雨花臺皆俯瞰城市雖一飛鳥不能逃也臣又嘗問之守臣以爲今城不必改作若上有北方之志則此直寄路焉耳臣疑其言未切也據其地而命將出師不使之乘正氣而有爲雖省目前經營之勞烏知其異日不垂得而復失哉縱今歲未爲北舉之謀而爲經理建康之計以震動天下則陛下之志庶幾少伸矣秋八月以章森代錢良臣知建康府事 是年六合大水
光宗紹熙元年春正月修六合城 章森築廂禁二軍新營易茅廬爲瓦屋
二年春二月以余端禮代章森知建康府事
三年余端禮以貢院湫隘修而廣之 江東水

四年秋七月以鄭僑代余端禮知建康府事 八月戊午詔振江東旱傷貧民
五年江東大水振之仍蠲其賦

甯宗慶元元年春正月以張杓代鄭僑知建康府事 詔江東荒歉收養遺棄小兒 張杓建御書閣議道堂於府學重修北門親兵寨移社壇於秦淮南
三年夏五月以趙彥逾代張杓知建康府事

四年春正月丁卯詔寬恤江淮流民 建康饑軍乏食 冬十二月以錢象祖代趙彥逾知建康府事

六年春閏二月以吳琚代錢象祖知建康府事時句容增科和買久爲民害縣令趙時侃請於琚歲出府帑萬三千餘緡爲代輸凡免人戶和買絹二千餘匹綿萬一千餘兩又修建學宮取沒官田以養士 振建康旱 是歲朱舜庸獻所編金陵事迹於府遂據修爲建康續志
嘉泰元年江東旱振之仍蠲其賦

二年冬十二月以李林代吳琚知建康府事

四年夏四月以邱密代李林知建康府事 冬十一月修六合城

開禧元年重修鎮淮飲虹二大橋

二年夏六月以葉適代邱密知建康府事時金人大入羽檄旁午適治事如平時軍需皆從官給民以不擾 冬十二月丁未金人圍和州時我軍萬五千騎屯六合金布薩覘知之即以右翼掩擊斬首八千級進至瓦梁河且整軍列騎張旗幟以臨江建康大震 甲寅金人去和州攻六合前軍統制郭傑救之大敗於胥浦橋金人遂屯竹鎮距六合二十五里鎮江副都統畢再遇引兵至縣登城偃旗鼓伏兵南門列弩手於城上敵方臨濠萬弩齊發乃出戰城上聞鼓聲旗幟盡舉金人驚遁散將完顏圖拉等以十萬騎駐成家橋馬鞍山進兵復圍城欲燒壩木決濠水再遇令勁弩射退之既而與赫舍哩子仁合兵進攻益急城中矢盡再遇令人張青蓋往來城上以誘之金人爭發矢須臾集城樓者如蝟獲矢二十餘萬旋又增兵環城四面營帳亘三十里再遇令臨門作樂以示閒暇而閒出奇兵擾之金人晝夜不得休乃引退再遇追至滁遇大雨雪始

還六合縣尉程克巳與其子附鳳俱戰死

三年春二月葉適謂三國孫氏嘗以江北守江南唐以來始失之乃請兼江北節制許之因充江淮制置使專一措置屯田適遂乞置沿江三堡塢石跋則屏蔽采石定山則屏蔽靜安瓜步則屏蔽東陽下蜀西護溧陽東連儀真緩急應援首尾聯絡東西三百里南北三四十里各爲圖冊以獻 秋九月以徐誼代葉適知建康府事免兼制置使時淮人避亂在建康者以數十萬計誼晝夜拊循民間安堵如常 冬十二月以邱密代徐誼再知建康府事未幾詔復除江淮制置大使

嘉定元年秋八月以何澹代邱密知建康府事 是月詔發米振卹江淮流民二年夏建康大旱蝗斗米數千錢人食草木詔收養遺棄小兒 秋八月行鐵錢於沿江諸州 是月以楊輔代何澹知建康府事 時溧水縣令湯詵以仁恕稱繼之者史彌鞏嚴學校之教

三年春正月以黃度代楊輔知建康府事時年饑盜起度至盡發帑廩所活百

餘萬人蠲夏稅二十餘萬賊夜劫城東南立就禽而橫山鬱山賊皆奔散悉奏赦之韓侂胄所募雄淮軍已收刺者十餘萬人未有所屬度慮其爲變人給以錢復其役遣之

四年增城南北養濟二院以處饑民院各度僧掌之歲用米千五百斛錢二千緡

五年夏六月禁錮錢過江 作晉元帝廟以王導等從祀建治城樓忠孝堂於下壺墓側 黃度在鎮二年江淮稱治夜引賓佐質難經義民服其化畫象立生祠祀之

六年春正月以劉榘代知建康府事

七年詔江北每戶三丁取一號義武民兵六合守卒原額二千餘人并有忠勇軍開禧兵後民多流亡僅餘五百二十一人縣令劉昌詩招得七百有奇分隸盤城瓦梁等寨又請降官會三千紙貯庫收息爲教練費政暇復修邑志續題名記焉

八年夏四月六合蝗 六月詔江淮農民雜種粟豆有司毋收賦又除豁江甯城南民戶增科家業營運錢並起認和買綿絹錢三千七百餘貫 秋七月建康旱甚轉運使真德秀憂之合本道義倉及轉般米數十萬斛而厚其積因戶部罷夏稅之請以蠲其租取郡縣官及寓公之賢以覈其實大家勿勸分貧者糴乏者濟已甚者輦粟賜之病者載藥與之本之以河北救災之議行之以青州之政不足則開寄納倉出官錢糴之吳中又不足則以翰苑橐中金益之不忍留都之不及則發私財以贍之訖事民益急則轉糴爲振又開東門外新河因役以飽饑民禱雨白鷺洲其應如響迄以稔告 創置唐灣水軍二千五百人 冬十一月以李大東知建康府事先是上元縣主簿危和好文學善折獄請於前守臣劉榘卽薄廨之東建程明道先生祠并立精舍真德秀助以緡錢築去大東續成之德秀又立范純仁祠於漕司榜其堂曰忠宣復葺轉運司堂名曰戲絲以將母出使也

九年秋江東水詔蠲其租 漕司試士舊皆借寓僧寺九月真德秀創建貢院

於青溪西

十年春二月以李珣知建康府事秋七月浚行宮後古珍珠河見水底有棠板乃止

十二年春閏二月金人犯和州及六合淮南民渡江者相屬建康大恐未幾退

時蒙古已入中原宋去久罷金歲幣故也秋七月以李大東代李珣再知建康府事

十四年夏大水淮西總領商頌以鄭介公俠嘗讀書清涼寺立祠祀之冬

十一月併唐灣靖安水軍為一軍置統制統領各一員

十五年冬十月以余巖代李大東知建康府事建平止倉於廣濟倉左冬糶夏糶取價

平則止又以父端禮所創貢院傾圯乃撤新之楊萬里為文以記是年趙時

僑為上元縣令不嚴而威令行不擾而催科辦

十六年秋九月詔振江東被水貧民

十七年冬十一月詔增建康兵屯令制司招刺步軍三千馬軍二百名防江軍

理宗寶慶元年春正月以邱壽邁代余巖權知建康府事

三年春二月以趙善湘代邱壽邁知建康府事夏溧水澇創沿江制置司

僉廳江甯縣令劉屋以賢能著趙善湘薦之於朝

紹定元年趙善湘以李全叛募效用軍一千四百五十五人以防江臨淮為名

二年趙善湘增收後湖田租遂為額句容開放生池縣令張侃築亭作記是

年有五色芝生於境繼之者吳琪軍興供應絡繹而民不擾時溧水令衛社亦

以仁惠聞

六年秋七月以李壽朋代趙善湘知建康府事

端平元年冬十月以陳韓知建康府事詔建康以行闕比臨安恩例增解額

二名

三年冬十一月蒙古兵陷六合知真州邱岳敗諸胥浦橋敵引退時淮民避亂

在諸沙者陳韓以制司差官撫卹招募涅刺俾充民兵又以江北戰死者眾十

二月立二義冢於覆舟山龍光寺側收葬之度僧二人掌其事

嘉熙元年夏四月陳韓取罪犯人面刺雙旗名破敵軍府學置房廊立貢士

庫

是平建康旱

二年

春正月以別之傑知建康府事

淳祐

元年修建康府學

二年

夏四月以杜杲代別之傑知建康府事杲入境先謁程純公祠已而以楊

林保

戍兵為無益罷之調舟師循護兩淮流民之寓沙上者 秋七月建康大

水

九月蒙古兵犯真州杜杲將救之蒐卒於龍灣治礮於東陽不三日嚴

遂行

敵聞風遁

三年

杜杲以天禧寺後南軒乃張栻讀書之所立宣公祠以祀之 增建康府

學

長士田置貢士莊 閣建康民舊租蠲新租二萬八千餘石禁吏胥收糜費

民樂輸焉

四年

夏四月以董槐知建康府事時軍政久弛槐為賞三等以教射歲餘皆為

精六

五年

夏六月以趙以夫知建康府事秋八月以夫招策勝六軍每軍五千人其

右軍中軍屯建康

冬十二月壬戌朔以祈雪釋建康府杖以下繫囚

六年

夏江淮蝗飛蔽天集食禾豆 修建康府學創明德堂闢大成殿廊以妥

從祀

七年

夏六月以趙葵知建康府事葵以蒙古日迫視師江上廣親兵教場建指

授堂

置爐鞴於馬鞍山下古冶溝旁以鑄兵募兩淮壯士二千五百三十一人

立精銳軍

九年

夏二月以趙葵督府結局加右丞相兼樞密使不拜吳淵代知建康府事

十年

夏五月詔以吳淵立山寨耕屯功進封金陵侯 建康府學增築先賢祠

撥後湖田

七千二百畝創義莊以卹貧士明道書院燬於火因更創之增廣

程講課焉

十一年

建綿繡堂於府治之左上為忠勤樓建鎮青堂於郡圃上為鍾山樓御

書堂

樓二額以賜吳淵 時上元縣令曹之格留心政術奸猾屏迹且即坐

堂

自諸事有訟者立與剖斷獄無停囚建政達存愛二堂於廡中

十二年春二月以王埜代吳淵知建康府事 淮西總領陳綺建翠微亭於石頭山擅登臨之勝 句容縣令張榘敦儒重教制祭服定禮儀設文會試生徒 寶祐二年春三月詔蠲江淮今年二稅 秋八月以邱岳代王埜知建康府事 三年秋八月以馬光祖代邱岳知建康府事光祖以到任送例冊并備公用器皿見錢等二十萬支犒軍民減沙租課額三分之一倚閣元年夏稅秋苗折帛等錢有差

四年馬光祖以沿江制司招御前遊擊軍三千餘人水軍二千人並創軍寨於武定橋東措置軍器庫申嚴火禁親閱水軍於龍灣以建康十一隘分上中下三節旬一會教罷諸酒坊吉凶青冊額錢除秋苗斛面令人戶自槩倚閣二年夏稅折帛等錢

五年夏五月壬午錄建康繫囚杖以下釋之 重建府廨御書忠實不欺之堂以額之 蠶御街自天津至南門重修飲虹鎮淮二橋復建新亭 蠲上元江甯二縣欺隱稅額錢免溧水縣酒息額錢并逋欠給借百姓錢本營運措置居

養院以處窮民創安樂廬以拯道途之無歸者 冬大雪以錢三十萬振軍民

倚閣二稅

六年春二月以趙與憲代馬光祖知建康府事 移平江府新招軍三千屯建康 鎮淮橋燬於火重建之改鎮淮樓為嘉瑞樓 上元令陳寅以廢圃為學

宮

開慶元年春二月己丑詔蠲建康沙田租 三月以馬光祖再知建康府事初上仍用前例普犒軍民 置禮尙庫於府治右 取禮尙往來之義以備施報 創遊擊新軍

寨於西門內合前後所招萬二千餘人置都統制募土豪強壯為義士軍良家子設安樂房療新軍之疾患者 秋九月蒙古犯黃州建康震動馬光祖以制置大使循視江面冬閏十一月乙亥返建康十二月復進司池州

景定元年春正月浚建康府城濠築羊馬牆創柵寨門甕城增築滁河隘 三月馬光祖還建康 重建制置安撫二司僉廳及府都廳 創野亭馬之純祠於轉運司建先賢祠於青溪 祀吳泰伯以下四十一人 建都作院於青溪南修城內外諸

橋皆馬光祖

增安樂南廬於安樂坊

重建公使酒庫

蜀前政所出營運

道負減諸坊酒額

葺義阡四所

浚青溪增堂館亭榭三十餘所築隄飛橋

盡遊觀之勝重建東冶知稼望岑三亭於半山寺側築東南佳麗樓復賞心白

鷺二亭又臨水作折柳亭為賓餞之所作橫江通江二館以待四方之賓客

二年夏上元縣惟政鄉獻瑞麥建瑞麥亭於東冶亭側 秋八月安撫司幹官

周應合新修建康志成 上元縣令鍾蜚英始建學繼之者楊應善改存愛堂

日存心 冬十一月以姚希得代馬光祖知建康府事亦以到任例冊錢支犒

軍民倚閣句溧二縣苗稅 至日濟丙丁戶貧民雪寒又濟之

三年春三月修諸城門砌錦繡坊街夏六月修行宮增創轉般倉繕教場亭秋

八月建蜀三神祠於青溪側

三神清源君梓潼君白崖君也

蜀減營運官錢逋負倚閣上元

句容溧水三縣苗稅 冬寒撥米平價振糶至日歲節皆濟貧民 是歲溧水

縣經界民田

四年修社壇府倉江甯館建康府學明道書院東南兩嶽廟及姚顯王王將軍

謝將軍三廟又創洞神宮於三神祠側

重建都僉廳撫司制司僉廳招募甯

江新軍六千二百八十人創寨居之浚諸營井 江甯縣令王鏜建學於廡北

置廩田 蜀減營運息錢倚閣上元江甯溧水三縣苗稅至日歲節祈雪皆濟

貧民 上元江甯二縣經界民田

五年春雪給貧民錢 重建吳晉二帝廟修卞將軍廟及養濟院 蜀減營運

逋負倚閣上元江甯二縣稅濟丙丁貧戶錢 三月以馬光祖代姚希得復知

建康府事命下民大悅爭迎拜於道中夏四月至建康創制司參機四廳於青

溪南增招江甯軍千二百七十四人買戰馬造水哨馬船創先鋒馬寨及船寨

建和州屯田倉

度宗咸淳元年創建四郭門接官亭東日迎暉西日致爽南日來薰北日拱極

築靜亭於青溪上後累石為山亭其巔曰最高山後跨飛梁涉修徑建堂三

所前日簡暇中日觀心後日近民

以後臨通衢也

青溪之勝畢萃於此又修行宮養種

園及雨花臺烏衣園 重建長干橋 創無為軍屯田倉平糶倉助糶庫倉中

通紀卷八下
有堂曰稷思堂 設及幼局收養棄孩 創船寨於龍灣 增明道書院養士
錢五百千代納五縣人戶夏稅秋苗放減王沙局商稅 秋八月馬光祖以制
司巡江九月還建康 是年句容縣令王子巽建清明堂於廨中

二年招填闕額軍建康都統司及帳前各百人改築礮藥庫於青溪中造富陽
船及腳船共四十二隻修廣濟倉七敖更名廣儲創制司倉四敖於左 修建
康府學 修四義阡分命上元江甯二縣簿尉主之 夏五月大雨水發鏹粟
以濟貧秋民饑發平糶倉米振糶 八月馬光祖以制司巡江九月還建康
三年重建貢院於青溪南修南軒祠創小學 築誓清館於龍灣又起儀賓館
秋七月蠲減河稅務歲額商稅錢一分

四年春正月創助糶西庫 閏正月建康大風雷雨 二月創南軒書院於古
長干因山爲祠堂曰主一樓曰極高明齋曰求仁任道明理潛心 三月軍民
病疫委官監醫日給以鏹粟 蠲放銀林東壩歲額車船稅錢四萬貫 夏四
月代輸五縣下戶夏稅放免夏稅市例錢秋九月代輸下戶秋苗 冬十月依
又思院式鑄銅斛受納秋苗并造木斛一百隻焚舊斛於通衢 是年元兵圍
襄陽荆湖安撫使汪立信以書抵賈似道請沿江設督府以資聯絡不從立信
遂歸建康

五年春正月禮高年 修嶽廟 重設藥局 創三至堂建野航於玉麟堂後

三月淮民避兵入境分遣官屬振之 是月以吳革代馬光祖知建康府事

六年江南大旱

七年以黃萬石代吳革知建康府事

九年夏四月以趙潛代黃萬石知建康府事 冬十二月免沿江旱澇屯田租

是年江南地生白毛

十年春正月詔減江東沙圩租米十之四 秋元中書左丞相伯顏總兵來伐
賈似道議分兵九路迎敵趙潛以制司留鎮建康 冬十二月趙潛總師巡江
遇夏貴單舟走淮西曰公何不同建康北兵勢不可當建康有降將家屬當防
之軍人聞言已有逃歸爲亂者潛還建康悉誅之 詔建康府振避兵流民

恭宗德祐元
康二月潰於
元縣主簿程
汪立信爲江
至高郵扼吭
大饗將士遣

春正月趙潛以制使置司於龍灣 是月賈似道督諸軍過建
無湖元兵進屯雨花臺趙潛棄建康府城取行宮公帑金帛遁上
休沐浴自經死馬步軍都統翁福徐王榮遣人納款於元 時以
權招討使俾就建康募兵以援諸郡立信至建康守兵悉潰乃轉
前卒 元丞相伯顏平章阿朮等入城於建康府治玉麟堂開省
前騎四出招降州縣先時董謠云江南若破白雁來過至是果驗

金陵通紀卷

下 受 弟 作 儀 矣 胎 慶 樓 宇 吳 國

金陵通紀卷

江甯陳作霖伯雨編輯

元世祖至元
愿兼宣撫使
內置司江甯
院軍士不戢
溧水句容以
而殺之 宋
建康江東大
入覲阿刺罕
道十一月戊
時銅關將

十二年即宋德祐元年春二月江東平設建康宣撫司置新附軍以廉希
休王榮爲副使同知建康府事於舊內直殿及制司僉廳君子堂
士元等縣皆設達魯花赤縣尹主簿縣尉等官 阿朮居明道書
倫人古之學等請於伯顏給榜文還復書院遂設路學儒籍 宋
以降附知句容縣葛秉戰敗被殺知和州聶某不暑降款阿朮敲
太府寺丞趙淮成銀林東壩與徐王榮戰敗 夏行中書省駐兵
渡民多乏食伯顏開倉賑饑發醫起病人心大悅 秋七月伯顏
確行省事冬十月阿刺罕會伯顏於鎮江伯顏令起建康兵出右
寅破東壩趙淮被執不屈死二妾殉焉阿刺罕軍遂由廣德入浙
賈寶胡嚴起兵攻溧水敗死
行中書省徙治揚州 江甯縣達魯花赤吳德徙縣治於越城

側 是年破宋信州執謝枋得妻李氏及二子一女送建康獄李氏不屈死
十四年設江東建康道提刑按察司於宋馬帥街江東道宣慰司於宋府治時
民新脫鋒鏑宣慰使張弘範撫安之期月境內稱治 夏四月罷建康宣撫司
立建康路總管府於宋都錢庫廉希愿以宣慰使兼本路總管府達魯花赤徐
王榮充本路總管兼建康府尹總管府管錄事司江甯上元句容溧水四縣又
設宣課提舉司平準行用交鈔庫於建康 宋招討使汪立信先居建康興政
坊是年歸葬溧水都堂鄉

十五年夏四月壬午立行中書省於建康以廉希愿為右丞

十六年以阿剌罕代廉希愿為行中書省右丞 設東西二織染局於建康

宋丞相文天祥被執北行道經建康宿留驛中數日有題天慶觀詩

十七年秋七月割建康民二萬戶種秫歲輸釀米三萬石 已巳遣中使歷江
南名山訪高士且於句容茅山建醮 是年招勇大將軍張瑄以營軍萬戶統
兵鎮建康

十八年春三月以李某代徐王榮充建康路總管 秋八月丁巳括江南戶口
稅課 設淘金總管府於花林市下僉撥句溧民戶五千充淘金戶歲有額賦
大為民害

十九年江南大水令所在官司振饑 立養濟院

二十年夏五月免江南稅糧十之二 以六合縣隸真州

二十一年徙行中書省於杭州

二十二年春三月回買江南民土田 設江淮等處行樞密院於建康以阿答
海同知院事徙宣慰司於大軍庫內即其地開院 詔江南百姓典賣親子官
為收贖田主所收佃客租課十分免一村社農民造醋毋得收課 冬十二月
弛江南魚禁

二十三年秋八月行御史臺移治建康路以博羅歡行御史大夫李仲信為建
康路總管 設句容縣生帛局造木棉 置建康等處哈刺赤戶計長官於溧
水縣

二十四年夏四月以阿剌帖木兒行御史大夫 罷淘金總管府改立建康等處淘金提舉司淘金戶增課

二十五年春改天禧寺為元興天禧慈恩忠教寺詔高僧德公開講賜號佛光大師 三月以答占行御史大夫史弼任樞密副使思蘭不花為建康路總管立江淮財賦提舉司於宋轉運司治

二十六年夏四月禁江南民挾弓矢犯者籍為兵 秋七月行御史臺移治揚州

二十七年夏江南大水發粟以振流民 冬十一月沿江建康等處置七萬戶府自東而西曰急水港曰老鶴嘴曰觀山曰搬河曰韓橋曰新開河曰大城港曰三山磯曰礪砂夾

二十八年春正月免江淮貧民逋租 以不鄰吉同知行樞密院事張珪為副使阿昔帖木兒為建康路達魯花赤 夏五月改按察使為肅政廉訪司 詔南方各路歲舉儒行可取者一人

二十九年春三月行御史臺復移治建康徙行樞密院於鎮江 以百家奴為

建康路總管 革罷淘金提舉司并入金銀銅冶轉運司管領

三十年以宋廷秀為建康路總管 行樞密院撥江北各萬戶府軍二千教於龍灣

三十一年夏六月免江淮今年夏稅之半

成宗元貞元年夏四月以囊嘉歹行御史大夫閏四月以阿老瓦丁代之 五月升溧水縣為州 建康水 詔改天慶觀為元妙觀毀所奉宋太祖神主

設巡檢司江甯鎮秣陵鎮竹篠港龍都下蜀東陽皆有之

二年夏六月建康蝗振之 以廉希哲為建康路總管 知溧水州儀武義修學校

大德元年以要束木為建康路達魯花赤 夏六月歷陽江水溢 益都新軍萬戶府移鎮建康 建南軒書院

二年春正月建康水振之仍弛澤梁之禁 二月以徹里行御史大夫 罷金銀銅冶轉運司除免建康路金額淘金戶併入元籍當差士民立碑頌德

三年春正月免江南夏稅十之三 二月例革江東宣慰司建康路直隸江浙
行中書省 置惠民藥局 是歲江甯縣尹王蒙修築圩堤以政績聞
四年春建康旱 以獨吉禮爲建康路總管 秋八月儒學災惟存尊經閣及
東西二教授廳 九月振建康饑冬十一月普免江南租稅一分十二月大雪
踰尺再振
五年秋七月大風江溢六合災尤甚發米振之江甯主簿梅鼎實心救濟民無
流移 重建廟學建康人王進德作明德堂 旌表節婦王阿楊門閭 冬十
一月開後湖河道於鍾山鄉
六年春三月詔免江南夏稅 秋七月建康饑以米二萬石振之
七年春三月旌表溧水州民湯大有五世同居 以陳元凱爲建康路總管
八年春正月詔江南佃戶私租十分減二 以阿里馬爲行臺御史大夫 徙
建康路廉訪司於甯國其建康簿書命監察御史鈞考 句容民樊淵當宋亡
之際負母陳避兵茅山後還鄉里奉養不替是年以孝廉表其門

九年春二月江南租稅均免二分 冬十月新學成 建康路總管侯珪以事
罷黜

十年以岳天禎爲建康路總管

十一年夏五月詔免江南夏稅五分秋糧三分 秋九月旌表節婦周氏門閭

建康大饑行御史中丞廉道安總管岳天禎治中楊翼勸富民出鈔振濟活
饑人四十一萬有奇先是米價踊貴牙僧旁緣爲奸天禎杖其尤黠者以義諭
商旅估值乃平

武宗至大元年夏五月以火你赤行御史大夫牙亦迷失爲建康路達魯花赤
民大饑疫官爲振濟 秋七月詔免建康夏稅冬十一月又免酒課十之三
二年春三月詔免江淮災區今年夏稅及逋負 夏六月江甯上元溧水句容
蝗 冬十一月立建康等處財賦提舉司 封和綽爾爲句容郡王 重修建
康路學 句容縣尹趙靖到任首崇學校上官歲科紅花靖以非土產請免民
頗德之

三年鎮江堵濶任建康路錄事聽訟明察民以無冤

四年春正月詔江南夏稅免三分並蠲民間逋負

仁宗皇慶元年以王瑛為建康路總管抄都為達魯花赤 旌表節婦建康楊

李氏句容曹王氏門閭

二年秋九月以塔失海牙行御史大夫

延祐元年秋八月建康大水發廩減價振糶 時句容縣尹謝潤治有異政

二年春正月勅以江南行臺贓罰鈔振饑 以阿老瓦丁行御史大夫罷行臺

哈必赤百餘人皆恃勢擾民者市里稱慶 冬十一月詔江淮夏稅免三分

句容移風鄉孔聖村人王榮五世同居荒年振濟卒之日崙山震響行省旌其

門閭

四年春閏正月詔江淮夏稅免三分 秋八月溧水州劉詠江浙省鄉試第二

十名

五年冬十一月以伯顏行御史大夫 句容豪民王訓王熙白身受官被劾詔

奪之

六年改茅山崇禧觀為崇禧萬壽宮 江甯尉魏居仁上元尉張義以汚濫不

法罷

七年春二月以脫歡答刺罕行御史大夫 三月詔江南夏稅免三分並蠲逋

負 詔建康流民擾害居人官為資遣還鄉 建帝師寺於保甯寺北 建康

人掘井深數丈得香柅木

英宗至治元年建康人王霖立江東書院行省為設山長 夏六月以脫脫行

御史大夫 蓋廣運倉於龍灣山前受諸路漕糧下海 禁江南廟祝師巫扇

惑人眾

二年以任居敬為建康路總管 革罷財賦提舉司 旌表溧水州節婦蔭法

禮門閭 冬十一月詔免江淮今年包銀及官田租十之三

三年春二月以伯顏行御史大夫 秋七月免江淮增科糧 八月建康人李

桓江浙省鄉試第二十七名 冬十二月詔免江淮刱科包銀三年

泰定帝泰定元年春正月旌表溧水州高年許桂一百一歲 閏正月詔革撥江南包銀 夏六月六合水江東旱傷田 冬十月懷王圖貼睦爾來居建康太平興國寺時鑄大鐘方在冶王至取嵌碧珠指環默祝曰若天命在躬此當不壞即投液中鐘成而珠宛然在上焉王旋建大崇禧萬壽寺於太平興國寺後 十一月以相嘉碩利行御史大夫

二年春正月蔣山太平興國寺災 夏四月以多禮智行御史大夫必實溫沙班為建康路總管總管初至集士民於明德堂勗以本業有貧不能從師者代備束脩焉

三年建康饑振之 六合大水 句容縣尹程恭勤於撫字闢縣治之後廢址植桑萬株以勸民蠶又能修舉學校聘禮師儒焉 以那懷為建康路總管議開濬陰山運糧河道以動土例禁罷役

四年以彰閻為建康路達魯花赤 夏四月建康及六合饑振糧鈔有差 致和元年秋八月免建康路科買軍需 是歲九月懷王登極改元

文宗天祿元年

即致和元年

冬十月以阿思蘭海牙行御史大夫

二年以迷沙為建康路達魯花赤唆住為總管 夏旱勸率上戶振濟 旌表

節婦周氏門閭 秋八月建康人李懋行省鄉試第十六名 冬十一月改建

康路為集慶路詔即潛邸建大龍翔集慶寺命僧大訢住持號廣智全悟大禪

師釋教宗主賜黃服僧徒衣黃自此始 設集慶萬壽寺營繕都司所屬有財

賦提領所隸龍翔寺

至順元年春正月集慶路饑疫 夏四月以脫歡為集慶路達魯花赤郭朵兒

伯臺為總管 五月免江淮夏稅十之三 秋七月江南水 追封句容武毅

王土土哈為昇王

二年改元妙觀為大元興永壽宮亭為飛龍亭 封溧水州節婦法禮為容國

夫人 以子阿魯忽都任 治書御史故也

三年冬十月免江淮夏稅十之二 時平章政事魯國公趙世延歸隱茅山不

復起

順帝元統元年夏五月句容大水五碁山崩 六月詔免江淮夏稅十之二
秋江甯旱 冬十一月以易釋董阿行御史大夫 旌表節婦吳氏門閭
三年春三月獲荆湖劇盜曹福四等於秦淮舟中 秋江甯旱 營繕都司例
革

至元元年秋江甯旱 冬閏十二月以塔海帖木兒行御史大夫修行臺 知
溧水州李衡建尊道明德二堂以勸學且乞免僉補本處站戶從之

二年夏溧水思鶴鄉麥兩歧 秋江甯旱 句容生帛局改造經絲斜紋 集
慶路推官熊鼎賢以平反錄事司囚吳住哥崔保憐上元囚劉友端江甯囚張
茂才被薦

三年冬十一月以八刺哈行御史大夫 龍翔寺提領所例革

四年以完者禿為集慶路總管 濬臺治後溝故道東接青溪西通柵寨門至
清涼寺下會秦淮河 旌表江甯孝子傅霖門閭 上元縣委官修砌接官亭
向東驛路

五年秋九月大雨水 旌表節婦馬氏門閭 設常平倉於廣儲倉所 上元
縣挑濬龍光河自算子橋經石頭城下至馬鞍山

至正元年夏閏五月以脫歡行御史大夫帖兒為集慶路達魯花赤張塔海帖
木兒為總管 立曹南王阿刺罕祠於集慶柴街寶戒寺側 江竭累日舟閭淺露

錢貨無數人謂江笑

二年春三月集慶路總管府災 重建卞公祠 築察院及行臺門廡 天禧
寺僧錄以私財費長干橋抵上門堽街二百七十丈 冬修總管府移更鼓於
西南隅樓

三年秋八月蝗 冬十月濬後湖河道自鍾山鄉珍珠橋至龍灣入江又疏陰
山運河自官莊鋪至毛公渡 醫學教授張汝諧建三皇廟醫學并纂修金陵
新志告成

七年冬十月集慶路花山盜畢四等起黨類僅三十六人內一婦人尤勇捷殺
傷官軍無數縱橫茅山數月三省撥兵不能討鎮南王博囉布哈募醜徒朱陳

通紀卷九
等擊禽之

九年秋七月大霖雨江溢漂沒民居禾稼

十二年江浙盜起由常州廣德陷溧水溧陽延及句容略上元江甯游兵至鍾山集慶危甚南臺御史大夫納琳力疾治兵命治書侍御史尊達實哩守城中丞伯嘉努戍東郊求援於湖廣行省平章政事額森特穆爾額森特穆爾時駐和州乃引步騎渡采石至臺城入問納琳疾旋東赴秣陵殺賊二千餘人平湖熟鎮盡復上元江甯地乘勝入溧水溧陽賊潰奔廣德其據龍潭方山者奔常州境內悉平

十三年秋六合旱時滁泗兵亂伯士甯爲六合縣達魯花赤境內帖然未幾代去

十四年秋九月滁州豪帥郭子興遣兵陷六合縣冬十一月丞相脫脫分兵圍之六合求救於子興諸將畏之莫敢往朱元璋時在麾下奮然請行遂與耿再成守瓦梁壘官軍攻之急每日暮壘垂陷詰旦復完與戰尋以計給之乃斂兵入舍備餼糧遣婦女倚門執手罵官兵錯愕不敢逼因列陣而出徐引還滁行御史大夫福壽駐集慶盜渠陳也先潘甲率眾聲言討賊索軍食城下守將不知所爲布衣王元吉請見福壽延問計對曰今城中無一軍而盜悍甚此難與爭鋒公宜開城門陳芻粟車陽以好言給之請一帥以卒來取吾計殺之而制其一人易矣從之果殺潘甲餘眾隨也先遁去

十五年夏六月滁州將朱元璋渡江取太平路禽義兵元帥陳瑊先釋之瑊先收餘眾屯板橋陰與行臺通爲書報元璋曰集慶右環大江左枕崇岡三面據水以山爲郭以江爲池地勢險阻不利步戰昔王濬樓船謀之累年而蘇峻王敦皆非陸戰取勝隋取江東賀若弼韓擒虎楊素三道戰艦同時並進今環城皆水元帥與苗軍聯絡其中建寨三十餘里攻城則慮其斷後莫若南據溧陽東擣鎮江據要隘絕糧道示以持久可不攻下也元璋報曰歷代克江南者皆以長江天塹限隔南北故須會集舟師方克成功今吾渡江據其上游彼之咽喉我已扼之舍舟而進足以克捷自與晉隋形同勢異足下奈何舍全勝之策

而爲此迂迴之計邪莖先詐不行 秋八月元璋命鎮撫徐達克溧水句容九月郭天敘張天祐督兵自官塘經同山進攻集慶陳莖先遂與福壽合拒戰於秦淮水上元璋軍失利天敘天祐皆戰死莖先追襲經葛仙鄉民兵百戶盧德茂謀殺之遣壯士五十人衣青出迎莖先不疑與十餘騎先行青衣兵自後攢槊殺之其子兆先復屯方山 是年青軍元帥張明鑑掠六合

十六年春三月朱元璋率眾自太平水陸並進至江甯鎮攻破陳兆先營釋而用之復進攻集慶馮國用率兆先降眾五百人先陷陣敗元兵於蔣山直抵城下元湖廣平章阿魯灰來援戰不利遁去至城南杏花村軍變罹害元璋兵遂拔柵進元御史大夫福壽坐鳳皇臺下伏龜樓督兵力戰或勸之遁叱去之兵至竟死其地參政伯家奴治書侍御史賀方達魯花赤達尼達思照磨梅實皆同死庚寅克集慶路元璋入城召官吏父老諭以除害安民之意皆大喜過望初居富民王綵帛家尋以元御史臺爲府改集慶路爲應天府辟上元楊憲江甯夏煜句容孫炎等錄用之置天興建康翼元帥府命諸將分軍屯田於龍江

等處俄而平江張士誠兵來犯徐達敗之於龍江自是金陵歸於元璋

宋韓林兒龍鳳

吳未建元時所稱

三年

卽元至正十六年

秋七月己卯諸將奉朱元璋爲吳公

置江南行中書省自總府事

聘鎮江處士秦從龍至吳公親至龍江迎之命

居西華門外事無大小皆與謀從龍復薦江甯陳遇宜備顧問吳公數幸其第命以官不受 九月吳公如鎮江尋還應天 是年上元縣遷治溱化鎮明歲

復舊

四年夏四月吳公自將取甯國旋還應天 五月上元句容獻瑞麥一莖二穗

者三

五年冬十二月吳公自將略浙東命李善長徐達留守應天

六年夏六月壬戌吳公還應天

七年夏閏五月漢陳友諒入犯取太平應天大震或謀以城降或以鍾山有王氣欲奔據之劉基獨奮然曰天道後舉者勝吾以逸待勞何患不克莫若傾府庫開至誠以固士心伏兵伺隙擊之取威制勝以成王業在此舉也吳公意乃

決召指揮康茂才曰汝與友分兵三道以弱其勢茂才曰東橋問橋如何曰木橋友諒曰李善長易木橋以鐵石比旦橋築虎口城以守於是常遇春兵南門外楊璟屯大勝港張瑄龍山偃赤黃幟於左右戒曰諒引兵至大勝港璟整眾禦之見橋皆大石連呼老康又不立柵眾欲戰吳公曰天且雨與果大雨赤幟舉諸軍競前幟舉常遇春等伏兵起徐達大敗走諸將追至慈湖焚其

諒雅遊吾欲速其來可作書約降給告以虛實使語遂令闖者持書往友諒問茂才所在曰見守江曰吾至當呼老康為驗闖者歸報吳公大喜亟命編成謀言友諒問新河口路乃令趙德勝跨新河為勝華高率帳前軍三萬伏石灰山側徐達等陳德勝朱虎率舟師出龍江關吳公親總大軍駐盧魁至舉赤幟舉黃幟則伏起各嚴師以待乙丑友之港狹舟不得並進友諒遽退出江徑衝江東橋應悟茂才使詐即率舟師趣龍灣先遣萬人登岸趣食乘雨擊之時天無雲眾未信忽風起西北須拔柵友諒麾眾來爭戰方台兩止吳公命發鼓黃兵亦至張德勝朱虎舟師並集內外合擊友諒兵舟遂乘勢復太平 冬十二月吳築龍灣虎口城

八年春二月吳置寶源局以鑄除之今參養民間何益即命毀九年春二月吳公還應天以漢相街以寵異之 夏五月吳公伏誅 十年春三月吳公自將救安豐章溢夏煜諸人 六月丁未中龍江遂發至鄱陽戰未決命征陳理命李善長留守應天及西苑諭諸將以兵法 十一年春正月諸將奉吳公命天庚午吳罷翼元帥府置十七漢書句容孔克仁侍 是歲吳

錢 參軍事宋思顏言句容虎為害既捕獲宜秋八月吳公自將征陳友諒秋七月吳公自將征陳友諒馮勝將平章王溥歸賜第聚寶門外號其街曰宰閱兵三山門平章邵榮參政趙繼祖謀逆事覺尋還應天 夏五月築禮賢館以居劉基宋濂心勤樓災 秋七月吳公自將征陳友諒馮燾於八將軍徐達還守應天九月吳公還壬午復自將冬十二月吳公還 戊午吳公閱武雞籠山還坐為王建百官 二月吳王自將征陳理三月還應七衛親軍指揮使司 夏五月吳王御白虎殿閱天繪塑功臣於蔣子文十壺廟

十二年秋九月丙辰

十三年春正月吳

天 秋八月庚戌

闊遠而舊內因元

舊城東白下門外

將軍徐達等征平

月吳沈宋韓林兒

并立宗廟社稷明

吳元年 韓林兒死

吳乃建元

辰雨詔賜民今年

吻得物若斧形而

身左右樓曰文樓

張士誠歸至龍江

之 冬十月甲子

御史大夫福壽祠

邑厲二壇設船於

告天地神祇

吳以集慶路學為國子學

自將救江陰尋還應天 夏四月吳王如濠州五月還應

天應天城初建康城西北控大江東盡白下門外距鍾山既

而臺為宮稍隘吳王乃命劉基卜地作新宮於鍾山之陽在

二里許增築新城東北盡山址延亘五十餘里 辛亥命大

吳王御西苑諭以機宜達等即於是日發龍江 冬十二

瓜步江 是月吳建園邱於鍾山之陽方邱於鍾山之陰

秋始告成

春正月詔免應天等府田租一年 夏五月應天旱六月戊

申租 秋七月乙亥王御戟門觀雅樂 己丑雷震宮門獸

台質王命藏之 九月癸卯新宮成內三殿曰奉天華蓋謹

武樓殿後為宮曰乾清其次曰坤甯 辛巳徐達克平江執

堅臥不肯起昇至中書省與李善長語不遜杖諸竹橋縊殺

王命諸將北征親祭神祇於北門之七里山 勅禮官立元

辰時祭之 時六合知縣胡有源移建縣治置巡檢司山川

龍津以濟渡 十二月甲子王御新宮以羣臣推戴之意祭

弟作儀矣可勇詒紱校字

金陵通紀卷十上

江甯陳作霖伯雨編輯



明太祖洪武元年春正月乙亥吳王元璋祀天地於南郊卽皇帝位改國號建元大政 丁丑宴羣臣於奉天殿 二月丁未祀孔子於國學 戊申祀社稷 庚午詔選國子監生侍太子標讀書 夏四月乙未祫享太廟 甲子帝幸汴梁命丞相李善長御史中丞劉基居守應天秋閏七月帝還宮 應天火延燒永濟倉 八月己巳以應天爲南京 時以汴梁爲北京 應天轄上元江甯句容溧水溧陽五屬知府楊元杲初從帝渡江爲行省員外郎練達政體智慮周密故擢是職 壬午帝幸汴梁冬十月丁丑還宮 置京畿都漕司濬後湖及龍灣河 十一月辛丑建大本堂於宮中以教太子諸王 始祀園北 十二月辛巳築壇雞籠山以祭前功臣胡大海等 是歲徙江甯縣治於銀作坊上元縣廩建牧愛堂

二年春正月封京都城隍建羣神祀享所於南城外立十廟於雞籠山麓 乙

已立功臣廟於雞籠山祀徐達等二十一人存者虛其位 丁未享太廟 是日為壇名武湖

祀馬神 庚戌詔免應天諸府今年田租 二月丙寅朔詔修元史置局南門

外天界寺 壬午始耕藉田既又命皇后馬氏親蠶於北郊 三月己巳令功

臣子弟入國學 夏五月癸卯始祀方北 秋九月征南將軍廖永忠朱亮祖

廣東師還帝命太子帥百官迎勞於龍江 冬十月壬戌朔甘露降鍾山 江

甯知縣張允昭上言江甯上元在輦轂下宜設學校以教京師子弟辛卯命置

應天府學生員六十八應天有學自此始 十一月乙巳祀園北 是歲降溧

水州為縣郭雲以知州改知縣兵火之後百廢具舉而持以廉潔繼之者高謙

甫徵收不擾差役均平又句容知縣王成亦以清幹名

三年春二月帝御東閣學士宋濂侍講王禕進講大學傳十章 三月庚寅詔

免南畿今年田租 夏五月戊申祀方北 是月應天旱帝齋戒后妃親執饗

太子諸王饋於齋所六月戊午朔帝步禱山川壇露宿凡三日還齋於西廡壬

戌大雨 左副將軍李文忠送元俘至南京乙亥元諸王買的里八剌朝奉天

殿其母及妃朝坤甯宮賜第宅於龍山丙子以克元告南郊丁丑告太廟 溧

水湖溢漂民居 秋七月乙未寶源局火甲子鳳臺門軍營火延燒武德衛軍

器局 八月始開科取士應天府鄉試取中句容趙權溧水劉德二人 南京

大雨水振之 監察御史鄭沂上言京師天下根本爵位之設當使內重外輕

今南京知府與外府同非所以隆國體也宜改為京尹從之是月戊子以沂為

應天府尹時治中王公亮剔剔煩苛壹意綏輯以卓異遷府丞江甯知縣張安

仁當國家新造諸務錯集平明坐聽事饗殮皆就公案治為時最 九月戊子

南京城隍廟成 冬十月丙辰詔儒生更直午門為武臣講經 十一月壬辰

大將軍徐達北征還帝出勞於龍江甲午告武成於郊廟己亥設泰厲壇於

武湖中以祭戰沒將士 庚戌祀園北 十二月甲子建奉先殿 是年詔西

僧獻宋理宗頭骨即付應天府官夏守忠瘞諸南門高座寺之西北次年還葬

舊穴

四年春二月甲戌帝幸中都壬午還宮 三月乙亥朔帝始策試貢士於奉天

殿 秋將軍傅友德平蜀獻明昇賜第居之八月帝乘昇所進馬夕月於清涼山賜名飛越峰 冬十月修南京城垣築浦子口城 十一月丙辰祀園北 癸亥大軍倉災

五年春正月辛酉帝幸蔣山太平興國寺建法會雲中雨五色子如豆 甲午大風晦雨雪交作乙未霽勅近臣然水燈於秦淮 二月南京火三日毀龍驤等六衛軍民廬舍 夏六月句容民獻嘉瓜二實一蒂 秋七月壬戌南京風雨地震九月詔免應天田租 冬十一月辛酉祀園北 十二月丙戌南京定遠等衛火焚軍器局兵仗 是月免南京濬濠作役 時六合知縣陸梅興學校建壇局亭塔民不知勞

六年春正月置上元縣巡檢司 選朝天宮道士供奉郊壇 甲子以舉人王璉等為編修入文華堂肄業 夏五月造渡淮浮橋 六月修南京城 秋八月建歷代帝王廟於南京 冬十一月戊申雷電交作 是月帝御午樓賜陳甯宋濂甘露漿 閏十一月壬午祀園北

七年春正月罷築閱江樓 夏四月上元民史廣妻李一產三男給錢乳之 秋八月祀歷代帝王廟 冬十一月甘露降鍾山 辛未祀園北 十二月鑿石灰山河

八年春正月辛酉增祀雞籠山功臣廟 共一百八人 三月辛巳罷寶源局鑄錢

夏四月辛卯帝幸中都丁巳還宮 秋七月辛酉改作太廟 戊辰南京地震 丁丑免應天被災田租 八月大旱 冬十一月丁丑祀園北 十二月戊

子南京地震

九年春南京大旱二月詔免應天今年二稅 是月設棠邑驛 夏四月連雨二十日水溢 六月置江浦縣於六合浦子口隸應天府析和滁二州及江甯縣地益之 冬十月太廟成始行合享禮十一月壬午祀園北 十二月甲寅振畿內水災

十年春正月雨水如墨汁 秋八月庚戌改建大祀殿於南郊癸丑改建社稷壇於午門右 選武臣子弟讀書於國學 冬十月有虎入旱西門傷人 十

一月丁亥始合祀天地於奉天殿

十一年春正月甲戌朔早朝殿上鐘始叩忽斷為二 秋八月免應天府秋糧

冬十月甲子大祀殿成 是歲改南京為京師

十二年春正月己卯始合祀天地於南郊 己酉詔以雨雪經旬令有司給貧

民鈔 冬十二月徵天下老成之士集京師

十三年春正月戊戌左丞相胡惟庸謀反詭言第中井出醴泉邀帝臨幸駕出

西華門內使雲奇告變帝登高望其第刀架林立即發羽林掩捕訊伏磔於市

株連凡萬五千人 癸卯大祀天地於南郊 夏五月甲午雷震謹身殿 丙

申釋在京屯田輸作者 六月丙寅雷震奉天門帝避正殿省愆 丁卯詔罷

王府工役 秋九月己巳天壽節賜羣臣宴於謹身殿 冬十月甲戌雷 建

三山寺於三山 是歲徙蘇浙上戶四萬五千餘家實京師

十四年春正月乙未祀南郊 癸丑命公侯子弟入國學 夏徙國學於雞鳴

山下名國子監 秋八月徵明經老成之士集京師 九月命潁川侯傅友德

征雲南帝餞諸龍江 冬十月以舊國學為應天府學上元江甯二縣學附焉

甲寅詔免應天等府田租

十五年春正月辛巳宴羣臣於謹身殿始用九奏樂 乙未祀南郊 三月傅

友德平雲南獻俘於京師 壬辰詔免畿內稅糧 夏五月國子監成帝釋奠

於先師 秋八月丙戌皇后馬氏崩九月庚午葬孝慈皇后於孝陵 是歲京

師建鐘鼓樓

十六年春正月乙卯祀南郊 二月丙申詔天下學校歲貢士京師 夏五月

庚申詔免畿內田租六月辛卯詔免畿內養馬戶田租一年

十七年春正月丁未祀南郊 是月衍聖公孔訥始襲封命禮官以教坊樂導

送至國子監學官率諸生三千餘人迎於成賢街夏四月庚寅增築國子學舍

秋七月丁巳免畿內今年田租之半 八月應天鄉試以新淦曾魯為考官

取中江甯陳恭王士惟句容凌輅吳斌溧水胡桐劉文齊德後改名泰朱勝沃俊樂

鳳凡十人 閏十一月建刑部都察院大理寺審刑司斷事官署於太平門外

名其所曰貫城

十八年春正月辛未祀南郊 二月甲辰久陰雨雷電 江浦水 三月乙亥

免畿內今年田租 是年設觀象臺於雞鳴山

十九年春正月辛酉振江浦水災 甲子祀南郊二月丙申耕藉田 夏六月

甲辰詔京師民年七十以上賜爵里士八十以上賜爵鄉士 秋九月丙子天

雨絮 冬十二月造通濟聚寶三山洪武等門新築後湖城并廊房街道

二十年春正月甲子祀南郊二月乙未耕藉田 夏六月免應天今年馬草

秋八月應天鄉試以秦和陳謨為考官取中溧水甘霖一人又六合許暘一人

詩六合猶未應天 冬十月徙建漢蔣子文晉卞壺南唐劉仁贍宋曹彬元福壽廟於

雞鳴山陽

二十一年春正月乙卯祀南郊 二月戊辰歷代帝王廟火上元縣治亦火甲

戌天界能仁寺火 夏五月辛丑雷震奉天門獸吻六月癸卯暴風雷震洪武

門獸吻

二十二年春正月丁亥祀南郊 徙帝王廟於雞鳴山

二十三年春正月己卯祀南郊二月丙辰耕藉田 秋八月應天鄉試以祥符

滕克恭為考官取中江甯房義一人 是年以揚州府之六合縣改屬應天府

詔歲織文綺及造作弓箭俱於後湖置局

二十四年春正月癸卯祀南郊二月壬申耕藉田 夏六月京師旱錄囚 秋

七月庚子徙富民實京師 辛丑免畿內田租之半 天下郡縣戶口賦役黃

冊成詔藏於後湖 是年割江甯沙洲屬江浦 時帝微行至神樂觀見有結

網巾者因令天下皆裹網巾

二十五年春正月乙未祀南郊二月丙寅耕藉田 夏四月丙子皇太子標薨

祔葬孝陵 秋七月移江浦縣於新開路置巡檢司於舊治 九月鑿銀墅東

壩河 是年議開上林苑度地城南自牛首山接方山西並河涯帝謂有妨民

業乃止

二十六年春正月辛酉祀南郊 乙酉錦衣衛蔣瓛告涼國公藍玉謀反詔磔

於市株連幾二萬人 二月庚寅耕藉田 夏四月京師大旱 秋七月戊申
選秀才張宗濬等分直文華殿侍太孫允炆讀 八月應天鄉試取中江甯俞
允溧水王性杭濬三人是月命崇山侯李新督開溧水胭脂河西達大江東通
兩浙以濟漕運

二十七年春正月乙卯祀南郊 建漢壽亭侯廟於雞鳴山陽 是月命以豫
備倉粟貸貧民 二月置溧水稅課司批驗鹽引所東壩巡檢司 秋八月應
天鄉試取中上元于源江甯陶鎔李崇趙麒四人 是月京師新建酒樓成時
以海內太平思與百姓同樂乃命工部作十四樓於市衢處官妓其間以待四
方賓旅有來賓重譯鶴鳴醉仙樂民集賢謳歌鼓腹輕煙淡粉梅妍柳翠南市
北市等名

二十八年春正月丁未祀南郊 是月置江淮衛於江浦 夏六月己丑帝御
奉天門諭羣臣禁肉刑 秋九月丁酉詔免畿內秋糧

二十九年春正月壬申祀南郊 秋八月應天鄉試取中句容嚴儻溧水趙昱

梅哲江浦莫英六合傅謙吳珪六人 丁未免應天等府田租 罷審刑司移
其案牘於後湖 是年高麗秀才權近至京賦詩稱旨因命劉三吾等與遊十
四樓以寵之

三十年春正月丙寅祀南郊 秋八月命工部建牧馬草場於六合 冬十月
乙未重建國子監先師廟成 時有江甯知縣紀肅存心仁恕民或負內府廚
料將鬻妻以償肅愀然曰有司不能牧民致使破家誰之咎也遂出妻孥簪珥
令民納官未幾肅卒民夫婦置主於私室祀之又隋吉爲上元典史上言一夫
一婦受田百畝當耕耘時或夫病而婦給湯藥農務既廢田隨以荒窮困流離
職此之故請命鄉里小民或二三十家或四五十家團爲一社遇有病疫則相
協助庶饑窘免而親睦成詔嘉之

三十一年春正月壬戌祀南郊 二月庚辰命吏部設武學於虎踞關以教勳
衛子弟 夏閏五月乙酉帝崩於西宮辛卯皇太孫允炆卽皇帝位是日葬太
祖高皇帝於孝陵 冬十二月詔賜明年田租之半

惠帝建文元年春正月庚辰奉太祖配南郊三月釋奠於國子監 甲午京師地震 秋七月壬辰詔討燕王棣祭告天地宗廟社稷 八月應天鄉試以臨

海方孝孺蕭縣高遜志為考官取中上元張欽任安方矩萬遠時泰陳暄何潤江甯李誠季簡吳觀王賓王憲陳喜溧水張禮朱旭夏廉湯茂宋鎬經綸孫讓

江浦劉觀史雄莫智六合夏潤二十四人

二年春二月丁卯釋奠於國子監 秋八月癸巳承天門災

三年春正月辛酉朔凝命神寶成告天地宗廟畢因御奉天殿受朝賀 辛未

祀南郊 丁丑享太廟告東昌之捷

四年夏京師飛蝗蔽天 五月辛丑燕王棣兵至六合六月癸丑都督盛庸帥舟師敗之於浦子口復戰不利都督僉事陳瑄叛附於燕侍郎陳植督師江上為麾下所殺燕王誅殺植者而葬植於白石山 乙卯燕王誓師渡江盛庸迎戰於高資港敗績庚申燕兵至龍潭勅令軍民撤屋運木入城眾憚勞役多自焚其居西南城崩修築未畢西北復崩眾晝夜不得休辛酉命諸王分守都城

癸亥燕先鋒將劉保華聚哨探至朝陽門覘知無備還報燕王乃整兵進乙丑犯金川門左都督徐增壽謀內應伏誅谷王橈及李景隆叛開門納燕兵都城陷魏國公徐輝祖帥師迎戰敗績宮中火起帝不知所終或曰披剃為僧由神

樂觀遁去 燕王既克京師分命諸將守城還駐龍江下令撫安軍民求材堪治劇者以王愷知江甯縣 已巳燕王謁孝陵羣臣備法駕奉迎御史連楹立

馬首數王罪王命殺之 是日燕王棣入城詣奉天殿即皇帝位壬申出建文后馬氏屍於火中稱建文帝葬之以靖民心 丁丑殺齊泰黃子澄諸人並夷其族文學博士方孝孺衰絰號慟闕下帝令草詔不從磔之聚寶門外次召監

察御史胡閏及高翔皆衰絰哭聲振殿陛不屈死衡府紀善周是修入應天府學拜先師與僉都御史程本立對縊死禮部侍郎黃觀妻翁氏給配象奴翁持

釵釧陽使出市酒肴急攜二女投淮青橋下死其他坐奸黨死者甚眾 秋七月壬午朔祀南郊 癸巳命建文子允熙等隨母妃呂氏居懿文太子陵園

八月丙寅左僉都御史景清緋服行刺被執帝命剝其皮草棺之械繫長安門

外且籍其鄉清友劉固與弟國母袁同受刑聚寶門外

成祖永樂元年春正月己卯朔帝御奉天殿受朝賀乙酉享太廟辛卯祀南郊

二月癸亥耕藉田 三月京師淫雨壞城西南隅五十餘丈 夏四月設溧水

廣通鎮開 秋八月應天鄉試以胡廣王章爲考官取中上元嚴璐丁璿江甯

王仲壽遲讓曹廣謝濟楊勉卞安句容范進王鼎陳壽尹鑑溧水徐昱張宗直

張豫張彥馨十六人 九月命寶源局鑄農器 修句容楊家港王旱圩等隄

始命內臣監京營軍

二年春正月乙卯祀南郊 己巳太子高熾及弟高煦自北平至京師高煦恃

寵驕恣嘗縱衛士於京城內外劫掠支解人投之江 冬十一月甲辰帝御奉

天門錄囚 時應天府尹薛均廉明持正買地種蔬帝廉得之笑曰人皆行樂

惟朕與均苦耳上元知縣陳奐才能治劇有婦殺其夫將殯奐於喪所禽鞠得

實人以爲神江甯知縣張德中愷惻詳慎有民犯法當流其母乞留養德中曰

抵罪者法也留養者情也古人申情於法中以長其仁不執法於情外以成其

忍遂杖遣之六合知縣王翔於新開路建馬湖梁家港二橋並置船渡口以濟
行人人皆便之 修六合瓜步等屯

三年春正月庚戌祀南郊 夏五月修蔣廟 築鷹揚衛烏江屯江岸及上新

河岸從大勝關抵江東驛 秋八月應天鄉試以松陽王景無錫王達爲考官

取中上元王舉劉潛江甯趙益唐經沈維盛衍張禎邢瑞唐彬陳恭句容張達

王原溧水王琮江浦王信六合尹昇孫智十六人 冬十月前軍都督僉事譚

深錦衣衛指揮趙曦擠駙馬都尉梅殷於笄橋下溺死 是年振江東饑

四年春正月丁未祀南郊三月辛卯朔釋奠於國子監 秋七月命大將軍朱

能征安南辛卯帝幸龍江禱祭誓師 冬十一月己巳甘露降孝陵松柏醴泉

出神樂觀薦太廟賜百官 十二月辛亥甌甯王允熙邸火王卒 是歲畿內

饑築溧水決圩

五年春正月丁卯祀南郊 二月建普度大會於靈谷寺爲高帝高后薦福

秋七月乙卯皇后徐氏崩爲薦大齋於靈谷天禧二寺聽羣臣致祭光祿爲具

物 九月征南師還帝御奉天門受俘大賚將士

六年春正月辛酉祀南郊 夏五月壬戌京師地震 秋八月應天鄉試以廬

陵李貫錢塘王洪為考官取中上元姜壽史循劉璉江浦王廣王恕李鉉六合

繆衍七人 是月淳泥國王來朝饗諸奉天殿冬十月卒於會同館詔有司致

祭葬之安德門外石子岡建祠樹碑焉 是年應天府學災

七年春正月乙卯祀南郊 二月辛巳以北巡告天地社稷壬午帝發京師太

子高熾監國夏四月癸酉朔攝享太廟

八年春正月己卯皇太子攝祀南郊 冬十一月甲戌帝還京師

九年春正月甲戌祀南郊 秋八月應天鄉試以吉水胡廣建安楊榮為考官

取中上元劉麒顧敬陽清虞祥童文莊約王本江甯王正鄭璫劉瑄韓謙句容

曹義王泰吳謙陳遜溧水傅安魏組十七人 滿刺加王來朝帝親饗諸奉天

殿及還禮官餞之龍江復賜宴龍潭驛

十年春正月丁酉祀南郊 秋八月應天鄉試以石首楊溥吉水周述為考官

取中上元宋拯謝鑑姚堅朱鎔江甯徐賁任祖壽張益宋敏吳名劉敬吳璘徐

琳十二人 冬十月戊辰帝獵於城南武岡 時應天府尹顧佐公廉有威豪

猾歛迹人方之包孝肅郭仲源知溧水縣亦以公勤稱 是年重建報恩寺造

塔

十一年春正月乙卯祀南郊 二月乙丑帝北巡發京師太子高熾監國 冬

十一月戊寅以野蠶繭為衾命皇太子薦太廟 是年修應天新河圩岸

十二年夏溧水大水 秋八月應天鄉試以永豐曾棗吉水鄒緝為考官取中

江甯謝璘許英鄭猷溧水夏源四人

十三年修京師羽林右衛刁家圩屯田隄

十四年秋九月帝至自北京時以北京為北京 謁孝陵 癸卯京師地震

十五年春正月丁酉祀南郊 三月壬子帝北巡發京師太子高熾監國 秋

八月應天鄉試以泰和梁潛長樂陳全為考官取中上元劉江尹弼徐榮江甯

施誠顧俊王璘李輅馮履句容曹暹九人 時句容知縣周庸節臨民公恕姦

邪屏迹

十六年江甯縣治火

十八年秋八月應天鄉試以張伯穎張仲完為考官取中上元胡玉達旺張文昌王俊陸彥江甯馬麟鄧序孫熙邵頰李素句容胡諒王煥十二人 九月召太子赴北京使太孫瞻基留守太孫嘗周行鄉落視民疾苦 丁亥詔自明年改京師為南京

十九年冬十一月以北征發應天等府丁壯運糧赴宣府 是年以蹇義馬俊等分巡應天諸府興革利弊又或奏南京鈔法為豪民沮壞遣鄺埜廉視僅戮一二人事遂已

二十年秋七月免南畿水災糧芻

二十一年秋八月應天鄉試以吉水羅汝敬長樂李騏為考官取中上元王政梅森翟瑛江甯蔣勸陳昇張祺溧水陳紀七人 丁丑免南京水災田租

二十二年夏六月壬申南京地震 時將定都北京秋九月戊子始設南京守

備以襄城伯李隆為之 是年淫雨傷麥禾南畿饑

仁宗洪熙元年春正月南京龍山生靈芝 己亥命周幹等巡視南畿 三月戊申命太監鄭和守備南京稱內守備駙馬都尉沐琮襄城伯李隆稱外守備三月帝將還都南京不果夏四月壬子命皇太子瞻基謁孝陵遂居守南京五月復召還 秋八月癸未以大理卿胡槩等巡撫南畿 是年南京地震凡四十有二

宣宗宣德元年秋八月應天鄉試以閩縣林誌泰和余學夔為考官取中上元黃榮周永雷和吳善江甯師政徐復句容潘延朱珉劉能九人 是年南京地震者九

二年夏南京旱秋八月免其稅糧 是年南京地震者十命右都御史王彰往巡撫焉

三年南京地屢震

四年春正月南京地震 二月己丑南京騶虞見 秋八月應天鄉試以吉水

錢習禮石首劉永清爲考官取中上元王琮沈慶王麟李應禎江甯顧誠李瑛
江浦周倫謝卓八人

五年春正月壬子南京地震辛酉又震 秋九月御史于謙長史周忱等巡撫
南京忱命州縣立便民倉水次推糧長收兩稅加耗不得過什一 六合饑遣
官勸振

六年巡撫侍郎周忱言溧水永豐圩周圍八十餘里環以丹陽石臼諸湖舊築
埂壩通陟門石塔農甚利之今頽敗請修葺從之應天府治中檀凱練習民事
特擢爲丞

七年秋免南京水災稅糧 八月應天鄉試以安福李時勉定遠苗衷爲考官
取中上元顧仲賢江甯田盛王良盛璟徐昱耿純談理吳政江浦魏榮六合田
琮十人 是年守備李隆應天府尹史怡重建府學 長春真人劉淵然自京
師歸居朝天宮

八年春南畿旱遣使振卹 夏復振南京饑免其稅糧

九年春正月乙卯申寬恤南京之令 秋七月南畿旱溧水尤甚遣官督眾捕
蝗甲子勅南京巡撫各官行視災傷蠲秋糧十之四

十年春正月辛丑詔黃福參贊南京守備機務時有兵部侍郎徐琦自安南回
福與相見石城門外或指福問安南來者識此人否曰南交草木亦知公名安
得不識 夏四月南京蝗應天府尹鄺埜蠲苛政平市租均田稅 秋八月應

天鄉試以吉水周述定遠苗衷爲考官取中上元陶元素孫本張諫三人

英宗正統三年夏南畿旱饑 秋八月應天鄉試以吉水錢習禮松江陳詢爲
考官取中上元鄒幹張信金潤江甯陳禮倪謙句容李質六合季璘七人 九
月詔蠲南畿逋賦

四年春三月癸酉增南京文武官軍俸廩 秋江甯水 七月免南畿被災稅
糧

五年春二月南京大風雨壞北上門眷覆官民舟 夏應天旱蝗六月免南畿
被災稅糧冬十二月再免之 是年修上中下新河及濟川衛新江口諸防水

隄改築溧水廣通鎮壩於葉家橋復濬胭脂河

六年夏五月命巡撫侍郎周忱刑科給事中郭瑾錄南京刑獄 秋八月應天

鄉試以秦和陳循莆田陳用爲考官取中江甯張鑑江浦張瑄二人 疏江洲

以築場岸

七年春正月戊午南京內府火圖籍器用皆盡 夏南畿大旱 築浦子口大

勝關隄

八年春汰南京冗官 夏南畿蝗秋應天饑 七月辛未雷震南京西角門樓

獸吻 濬南京城河

九年夏五月刑部侍郎馬昂來錄南京刑獄 秋七月應天大水 八月應天

鄉試以興化高穀無爲刑寬爲考官取中上元王璿沈琮金鎬謝鑑任孜朱瑛

江甯羅濂劉鑑廣洋衛孫達句容嚴純王永甯周欽潘鏞張紳王惟善十五人

十一年禁石臼諸湖富豪築圩以遏水

十二年夏南畿旱六合知縣黃淵齋戒懇禱蝗不爲災 六月南京山川壇災

秋八月應天鄉試以仙居王一甯華亭錢溥爲考官取中上元朱華童軒周
清相迥江甯蔣敷胡寬陳鉞鄭瑛句容居輔九人

十三年夏龍潭江水奔潰

十四年夏六月丙辰南京風雨雷電謹身奉天華蓋三殿皆災 秋八月輸南

京軍器於北京 冬十一月侍郎耿九疇來撫南畿流民賜復三年

代宗景泰元年夏四月大理寺丞李茂來錄南京囚 秋七月應天大水沒民

田廬溧水尤甚 八月應天鄉試以安福吳節永新劉定之爲考官取中水軍

右衛吳維上元徐毅吳璘俞誠凌文管澄胡正王琮羅瑄錢賓王璘浦鏞江甯

田斌石正顧俊曹景王魯句容華禎王韶孔彥倫包文學溧水丁釗六合李景

修二十三人 時上元知縣姜德政撫循惇獨以農隙修縣治建明道祠人不

知役江甯知縣李褒興利除害多所建明江浦知縣羅信與民期約誠實不欺

縣治圯者爲更新之

二年秋八月壬申南京地震

三年春二月副都御史劉廣衡來錄南京囚 秋八月振南畿水災免稅糧乙酉振南畿流民 九月辛卯南京地震命都御史王文巡視安輯乙未振南畿被災州縣

四年南畿自夏及秋淫雨傷稼既又數月不雨 八月應天鄉試以安福彭時連江趙恢爲考官取中水軍右衛羅甯豹韜右衛雍熙金吾後衛劉瑀留守後衛羅剛水軍左衛蔡琮留守左衛費鏞上元潘傑姚恆鄒和鄧震莊澈方璟羅淮龍晉沈瓚葛黃金紳徐禮強英朱貞高敬林洪盧雍施靖江甯吳理江傑羅麟侯廣蔣敵句容王紱高濂姚甯江浦周廣三十三人

五年春正月南畿大雪連四旬 三月命都御史王文撫卹南畿 秋七月振南畿水災冬十二月免南畿被災稅糧 是年南京大火延燒數千家

六年春二月大理少卿李茂來錄南京囚 夏南畿旱饑冬十二月免被災州縣稅糧 時劉義知句容縣察曉吏事捕治豪猾禁婚喪踰制者

七年春南畿恆雨 秋八月應天鄉試以莆田柯潛寶雞劉俊爲考官取中錦

衣衛沈鍾王徽王玉徐廉太醫院籍甯璉周昌裔上元鮑蟬江甯貝春李慶邵傑鄭禮周源宋讓王浩徐曦曾敞趙智李昇句容蘇潤高諤江浦莊昶郁珍十二人 九月應天旱蝗

英宗天順元年春南京旱二月免南畿被災秋糧 冬十月乙巳南畿地震 二年春二月暴風拔孝陵樹懿文陵殿獸脊梁柱多摧

三年南畿旱 秋八月應天鄉試以華亭錢溥眉州萬安爲考官取中江陰衛江陰衛屯駐南京童紳任忱虎賁左衛李穆金吾前衛婁俊旗手衛莊林錦衣衛任讓金澤唐寬江甯易謙李秉衷徐完歐陽榮顧鑑張福顧言句容徐玉石堅溧水任蘭江浦蔣達石淮魯長六合黃縉詹棚二十三人

四年春三月免南畿被災秋糧 秋江南北大水免徵被災糧草有差

五年春三月丁卯朝天宮災 南畿連月旱傷稼秋七月免被災州縣稅糧

六年秋八月應天鄉試以博野劉吉襄陽邢讓爲考官取中太醫院籍陳銳留守前衛蘇鏞上元張華徐震戴仁江甯任彥常李昌隆李昊陳獻陳紋張瑛沈

浩孫義倪岳句容胡漢李澄曹瀾六合吳善十八人

七年春正月丁酉南京西安門木廠火延燒宮牆

八年溧水縣水 時胡謐知江甯縣以經術飾吏治事至判決如流公餘常有

諸生問業者又應天通判林春主馬政每行縣校閱清廉不擾蒔蔬公廨以自給

金陵通紀卷十上

弟作儀參男詒壽校字

金陵通紀卷十中

江甯陳作霖伯雨編輯

明憲宗成化元年秋七月應天水 甲子振南畿饑 八月應天鄉試以瓊山

邱濬安化彭華為考官取中太醫院籍陳鋼錦衣衛李禎豹韜衛吳俊留守左

衛章元應府軍右衛陳紀江甯俞徽蔣誼陶淵吳文度伊乘俞祿句容王濬張

恪溧水芮鑑江浦丁廣董舜十六人 丁丑遣工部侍郎沈義等振撫南畿饑

民 時南京多積困瀕江官田久廢沒猶責賦坊市廊房既傾圯仍征鈔上元

江甯農民代河泊所網戶采鮓魚應天都稅宣課諸司額外增稅六合江浦官

牛歲徵犢巡撫右副都御史劉孜悉奏罷之又江浦知縣章文翰乞丈量坍江

荒地以蘆洲抵補從之後遂承以為例

二年夏四月上元等縣饑命戶部振之 秋九月癸未南京御用監火

三年夏六月雷震南京午門正樓 是年南京旱

四年春夏旱溧水尤甚句容主簿賈禎禱雨茅山徒跣而往罹暑卒於道 秋

八月應天鄉試以長洲陳鑑泰和尹直爲考官取中水軍左衛朱雁上元姚源
鄭存德俞經吳謙謝崇德江甯沈鑑魯昂俞雄金源丁鏞王欽張鑑莊溥顧昌
十五人

五年春二月乙卯雷震南京山川壇具服殿獸吻 夏南畿無麥 時上元知
縣王定安平易爲治去後人思縣丞馬良節用愛民後擢知縣事袁龍亦爲上
元丞民愛如父母稱曰袁撫民明道祠圯倡修之又唐詔知六合縣薄賦慎刑
人稱廉吏第一

六年夏句容溧水江浦六合大水秋七月免其稅糧 冬十一月己亥江浦大
火

七年南京饑遣官巡視 秋八月應天鄉試以鄞縣楊守成金谿徐瓊爲考官
取中留守左衛張陞俞綸上元朱福王進姚曷江甯薛端黃謙沈景陳理黃肅
句容凌傳溧水張儒江浦吳泰六合金深十四人 應天府學復殿提學御史
嚴銓重建之

八年秋七月南京大風雨壞天地壇孝陵殿宇 江水溢

九年春三月南京大風雨拔太廟社稷壇樹 夏四月乙亥南京雨土 秋七
月以水旱災免上元等縣秋糧 自冬至明春南京恆燠無冰雪

十年春三月免南畿被災秋糧 時王恕以右副都御史巡撫南畿舊制應天
官田徵半租民田全免其後民田率歸豪右而官田累貧民恕乃量減官田耗
稍增之民田會所部水災奏免秋糧六十餘萬石周行振貸全活二百餘萬口
應天府尹魯崇志亦貸民逋負而振其尤貧者太監王敬以鹽二萬引屬規重
利崇志厲色拒之 秋八月應天鄉試以新建謝一夔仁和鄭環爲考官取中
欽天監籍徐濂所籍徐欽王鏞衛籍曾達上元王樸陳榮姚黼江甯王勛句容
孫傑湯鼐江浦王謙六合謝瑄十二人 九月再免南畿被災秋糧 江浦北
城圩古溝北通滁河浦子口城東黑水泉古溝南入大江二溝相望岡壠中截
廷臣請鑿通成河旱引潦洩從之 卽今之朱家山河也
十一年六合大火延燒千餘家

十二年春正月辛亥南京地震有聲

十三年春二月南京鷹揚衛軍陳僧兒妻朱氏

鄉試以南陽劉健陽曲周經為考官取中衛

沈希達後復姓朱陳言梅純施堯臣江甯林芳後復姓

鈺六合袁文紀十四人冬十一月癸亥南

積疑獄剖判如神是年南畿饑振之

十四年夏四月免南畿被災秋糧秋八月

十五年夏四月免南畿被災秋糧秋八月

外河道是年周南代唐詔知六合縣明慎

十六年秋八月應天鄉試以茶陵李東陽泰

瑾王世禎喬衍劉子順梁德宏湯佐上元潘

江甯鄧澤吳彥華胡瑾錢鑑句容張德溧水

是年免南畿被災稅糧

十七年春二月甲寅南京地震猛虎近城殺

南京大風雨社稷壇太廟殿宇皆搖水大溢甲

南京大雪

十八年春正月振南畿饑夏五月免被災稅糧

南京國子監火十二月乙卯器皿廠火壬辰

第無遺

十九年秋八月應天鄉試以南城張昇上元商

濟龍江右衛曾瑛豹韜左衛傅綬上元潘絡

志瀄趙欽句容居軫江浦馮浩十三人

二十年夏六月免南畿被災稅糧

二十一年夏四月免南畿被災稅糧五月

宮城各門獸吻秋溧水大旱

二十二年夏六月免南畿被災稅糧秋八月

一產三男一女秋八月應天

李用文沈智周郁朱大用上元

徐珩范琪句容李永亨江浦林

大風雨時劉傳知江甯縣縣

未南京大風拔太廟樹

卯大風拔孝陵樹修南京內

獄有瑞雀巢於庭

羅璟為考官取中衛籍蔣法童

金麒麟壽徐雲熊宗德王倣倪阜

小果六合印寶王宏三十一人

夏四月南京地生白毛秋七月

戊免被災秋糧冬十二月丁酉

冬十一月南京旱饑戊子

河王府火先有妖夜見時舉火作欲焚狀是夜燔府

良臣為考官取中太醫院籍吳

嶽胡拱楊溥夏聽江甯趙淮張

南京大風拔太廟樹摧大祀殿及

月應天鄉試以仁和汪諧休甯程

三

敏政為考官取中江陰衛楊俊上元顧潤郭蒙陳玉江甯陳鎬張琮鄒禮徐夢
麒井康徐繼宗陳欽錢灝鄭允宣句容徐欽江浦李錦王瑄弓元吳鸞張紡十
九人 九月南京饑 是年濬中下二新河

二十三年夏六月免南畿被災稅糧 設雲亭驛 是年詔以南京兵部尚書
參贊機務同內守備並任留事

孝宗弘治元年春三月庚寅南京內花園火夏五月丙子雷震洪武門獸吻及
孝陵御道樹六月己酉又震鷹揚衛倉樓聚寶門旗杆 溧水大旱應天饑

冬十一月丁丑南京甲字庫火 先是沿江蘆場隸三廠成化初江浦田多沈
於江而瀕江生沙洲六合民請耕之以補沈江田額洲與蘆場近又瓦屑壩廢
地石城門外湖地故不隸三廠太監黃賜為守備時受奸民獻俱指為蘆場盡
收其利民已失業而歲額租課仍責償於民是年民訴於朝事下南京御史姜
縮等覆按

二年夏四月庚子雷毀神樂觀祖師殿乙未神樂觀火 秋八月應天鄉試以

甯都董越南昌張元禎為考官取中羽林衛王彪錦衣衛周冕李禎上元羅鳳
陳瑛陳玠施懋江甯凌雲翰王階王翰王顏十一人 是年御史姜縮等疏劾
內守備蔣琮與民爭利琮條辯泛及南京諸司違法事給事中韓重因星變請
斥琮及太監郭鏞未報而太監陳祖生奏戶部主事盧錦給事中方向私種後
湖田事下南京法司適郭鏞道南京往觀焉御史孫紘等因劾鏞擅遊禁地鏞
怒歸訴府尹楊守隨勘錦向失出御史不奏獨繩內臣乃勅太監何穆大理少
卿楊謐再勘後湖田并縮琮訐奏事

三年春何穆等奏上遂禡盧錦職謫楊守隨方向以下官姜縮逮治而有蔣琮
不問 二月免南畿被災秋糧 夏南京旱 秋七月壬子驟雨雷震南京午
門西城牆

四年秋八月乙卯南京晝晦地震 冬十一月振南畿災 是年析溧水置高
涇縣

五年夏南畿水 六月免南畿去年被災稅糧 秋七月振南京饑 八月應

天鄉試以吳江王整平定楊傑爲考官取中牧馬所龍寬營繕所齊貴
大有李熙李儀丁容劉麟陳謚李問江甯張宏李重邵清鄭諫王緒殷
王相十六人 冬十一月免應天等府稅銀 六合大雪 是年樊瑩
府尹性坦直不立威嚴民亦知自愛鮮罹於法朱宗知江甯縣平易近
懷之

六年夏四月辛酉南京舊內火 五月免南京被災稅糧 秋八月壬
有黑氣東西百餘丈冬十月南京雨雪連旬十二月壬戌雷雨拔孝陵樹
七年春三月南畿蝗夏溧水大水六月癸酉雷雨拔孝陵樹秋七月庚寅
大風雨壞殿宇城樓獸吻拔天地壇太廟及孝陵樹九月大風屋瓦皆落
南京天湖二河備軍屯田水利 是年南京地凡六震以存留折銀軍
各屬

八年夏五月南京陰雨踰月壞朝陽門北城堵 是月免南畿被災秋
八月應天鄉試以鄞縣楊守隨仁和江蘭爲考官取中龍江衛何宗伊

龍虎衛宇賓府軍衛袁經上元顧璘鄭璫高節江甯梁材范邦彥祝亨
水張鎮江浦嚴紘六合張瓚十四人 是年南京地震者二
九年南京地震者二

十年秋八月應天鄉試取中太醫院籍史良佐龍江右衛李璞趙榮顯
楷上元顧欽易棻景陽金鏡陳綸江甯王本許文顯華綸曹鉞句容蘇
人 是年免南畿被災稅糧

十一年免南畿被災稅糧 是年袁陽知江甯縣以坊廂編役供應太
司取用必先赴府給票下縣方許應付自是取者頓減後轉上元民思
水知縣張錫亦以能吏名

十二年夏五月免南畿被災秋糧秋八月又免夏稅

十三年秋八月應天鄉試取中太醫院籍陳圻錦衣衛李文泮劉弼羽
邵鏞江陰衛吳伯深府軍衛錢禎張偉上元王介金賢金鼎李璨江甯
圻黃志遠黃宏句容夏克義江浦王偉陳瑞十八人 冬十月戊申南

十四年秋閏七月南京水災免其稅糧 冬十月辛酉南京地震 是年吳雄為應天府尹風局嚴整留守太監多所侵擾縣官不敢違雄一裁之以法勢始稍沮

十五年春正月己酉南京有星晝流夏六月大風雨孝陵神宮監及懿文陵樹木橋垣多摧拔者秋七月江水溢湖水入應天城五尺餘九月丙戌南京地震冬十月丁卯地又震 十二月免南畿被災秋糧

十六年春二月庚申南京地震 夏江潮入望京門浦子口城圯遣官祭告江神 南畿饑六合尤甚秋九月振被災軍民 冬十一月免南畿被災秋糧

是年王震為應天府尹奏罷上元江甯花園夫千餘人省官寺獄具銀千餘兩覈江灘蘆葦千餘頃以佐赤縣里甲費句容知縣周美亦造魚鱗冊清釐民累民後祠祀之 時句容祠祀者有遺愛祠以祀前縣紀資廉惠祠以祀前縣魯應華

十七年春正月辛未南京工部尚書高銓振應天饑 夏五月罷南京織造中官 秋八月應天鄉試以鉛山費宏南宮白鉞為考官取中旗手衛莊簡驍騎

衛沈環柴虞留守衛俞徽楊謙吳瑛上元張翊羅仁強毅江甯王韋黃琮楊翽周金藍英王漢李傑句容華忠溧水茅世昌十八人 是月免南畿被災夏稅

十八年夏六月南京霖雨秋七月南京大風拔木九月南京地震 武宗正德元年夏六月丙子暴風雨雷震孝陵白土岡樹及報恩寺塔 秋八月復遣中官南京織造

二年秋八月應天鄉試以清苑傅珪華亭顧清為考官取中衛籍何鉞劉宗啟吳富周南王浩監籍李漢上元伊伯熊羅輅陸璽句容曹濂溧水江府甘永昂張璠江浦袁煥十四人

三年夏江南旱溧水高渚尤甚五月南京大饑秋九月振之 四年夏六月南京空中有聲自北來如數萬甲兵踰月乃止 冬大雪樹皆枯死

五年夏溧水高渚大水傷稼蠲其租 秋八月應天鄉試以全州蔣冕崑山朱希周為考官取中衛籍童楷趙守王鑾蔣嶽韓恢張明儒王以旂張烈劉紀上

元李葵江浦張淵十一人

六年振南畿饑

七年夏流賊劉七齊彥名率五百人舟行自黃州下抵鎮江都人大恐秋七月復自通州上犯九江尋復下至狼山凡三過南京無一人出禦者免南畿被災稅糧是年高淳縣學火

八年秋免南畿水災稅糧八月應天鄉試以南海倫文敘臨穎賈詠爲考官

取中太醫院籍尹賢上元顧瓌何遵沈觀陳府江甯徐九經陳紹宗徐九疇王

宗鄭琦李僑溧水武時江浦毛經六合張愷孔蔭十五人

九年以石檻繚應天府學泮池

十年冬十二月免南畿旱災秋糧

十一年秋八月戊辰南京地震應天鄉試以濮州李廷相華陽溫仁和爲考

官取中衛籍錢文楊森丁賜上元張秀江甯鄭濂江甯王緯楊沔句容鄒

志學十人

十二年夏六合霖雨滁水泛溢乘舟入市民多流亡知縣萬廷程特創九等法

以均徭役時柴奇爲應天府尹亦有能名清查官占埋沒地還之民以絕權勢

起佃之謀積科試羨餘開拓貢院規模爲之一新秋八月癸亥南京祭歷代

帝王廟雷雨震死齋房吏冬十一月癸巳大風雪仆孝陵前樹及圍牆內外

松柏

十三年春正月應天大雨彌月漂室廬人畜無算詔振之夏四月免南畿被災

稅糧

十四年夏六月甯王宸濠反於南昌欲東取南京兵部尙書喬宇嚴爲警備而

談笑自如時攜客游燕城外密察地險易置戍守每門設文武大吏二人城中

伏兵二隊以防不虞先是宸濠遣死士三百人潛入城匿於鼓樓街一攬頭家

待期而發鎮守太監劉瑯實與謀宇偵得其狀以次就禽梟首江岸瑯不敢動

賊計大沮秋八月應天鄉試以弋陽汪俊任邱李時爲考官取中衛籍沈恩

王文光上元司馬泰王堂蔣繼蕃江甯吳惠劉鳳七人冬十二月丙戌帝以

親征宸濠至南京不入舊內駐蹕南門中之公廨時宸濠已平詔百官以戎服見喬宇謂兩京禮儀豈宜有異遂朝服如常儀俄而宸濠俘至帝與諸近侍出城數十里整軍容列俘於前爲凱旋狀以入 是年南畿饑甚濬新江口河十五年春正月帝謁孝陵備諸劇戲夏六月丁巳幸牛首駐西峯祠堂中諸軍夜驚又嘗幸徐霖家霖倉皇出拜帝命置酒家無供具以蔬筍鮭菜進帝大喜爲之引滿酣暢而去已而數幸其第御玩靜閣釣得一金魚宦者爭買之帝大笑落水御衣沾溼快園中有宸幸堂浴龍池紀其遇也時帝在南京久邊將江彬怙權寵統兵數萬屯京城從官衛士又十餘萬日費金萬計近幸求索倍之應天府尹齊宗道憂懼卒府丞寇天敘攝其事與喬宇及內守備王偉協力維持故南京得無虞魏國公徐鵬舉招江彬宴不啟中道門又不設座中堂彬怒問故答以高皇帝嘗幸其第遂爲故事彬不得已就宴彬所領西北勁卒軀幹頗碩喬宇於南方教師中選其短小精悍者百人與之教場比武南人輕捷行走如飛而北人粗拙輒爲所乘彬大沮喪一日晚彬遣索城門鑰都督以問宇

宇曰守備所以警非常城門鎖鑰孰敢索亦孰敢與雖天子詔不可得乃止彬每矯旨有所求宇必廷白之彬計格不行寇天敘青衣卓帽日坐堂上自供應朝廷外不妄用彬使者至則好語之曰民窮帑盡無可結歡專待譴耳彬亦無如之何也又江甯知縣王誥調停區畫不乏上供而亦不重困民六合知縣林幹御中官有方民以不擾江彬數導帝夜遊新除應天府尹孫懋伏行宮請回鑾章數十上喬宇亦率百僚力請帝許之秋閏八月丁巳車駕發南京漁於龍江口遂行 是年六合大風潮沒民田廬御史成英言應天等衛屯田在江北者地低易潦若從金城港抵濁河達烏江三十餘里因舊迹浚之則水洩而田利矣詔從之

十六年南京旱 時白思齊知上元縣始創縣志屬諸生管景等成之

世宗嘉靖元年春二月南京鍼線廠火秋七月南京暴風雨江水溢郊社陵寢宮闕城垣皆壞拔樹萬餘株江船漂沒甚眾 八月應天鄉試以會稽董玘大興翟鑾爲考官取中豹韜左衛童顏上元金清鄭淮李觀

後復姓甘

張偉江甯汪鑾

張合溧水王希成劉鏊江浦袁禎十人 冬十月振南畿饑免其稅糧 是年
都御史陳鳳梧平應天府學後山重建尊經閣增敬一亭

二年春正月南京地震應天大旱饑人相食侍郎席書振之仍蠲馬價秋七月
南京大疫癘冬十一月免南畿被災稅糧 時劉啟東知高淳縣憐民間養馬
之苦欲歸諸宣城乃令代出驛傳銀一千八百兩復斷還馬場田七千餘畝其
困乃蘇暇則建學築壇百廢具舉繼之者為甘惠亦有善政治西有渡惠造為
橋民呼為甘棠橋

三年春正月丙寅朔南京地震二月庚戌地又震夏大疫死者相枕於道秋七
月免南畿被災稅糧 是年王爌為應天府尹應天賦徭繁重富人多投內監
神帛堂以避而積累貧者爌奏革銅竹織匠守庫薪夫八百餘人裁齊庶人之
供億節中使之浮餼籍記縣司丁錢使諸司不得恣取歲禮又奏免其賦民感
之著有京兆遺愛錄

四年秋七月己丑雷震南京長安左門獸吻 八月應天鄉試以吳縣徐縉石

首張璧為考官取中留守後衛葉聯芳府軍後衛金本陶上元陳鳳金大車楊
城夏做許穀沈越任良幹江甯伊敏生江浦茅秀六合馬遂伯十二人 詔改
鍾山為神烈山以尊孝陵

五年冬十月振南畿饑免其稅糧 十二月高淳始築城 時耿璠知江浦縣
忿諸使非理徵求核其郵符非實者不為應後有張峰申免四門倉米民德之
立遺愛祠

六年免南畿馬價

七年秋八月應天鄉試以內江張潮南海彭澤為考官取中龍驤衛張誥上元
王心張鐸盧璧謝少南金涇江甯高遠張恕江浦張棠九人 是年南京國子
監祭酒張問奇司業江汝璧補國學書版

八年夏六合蝗 秋九月免南畿被災稅糧

九年夏應天大旱是時劉自強為府尹撤蓋步禱雨輒小應楊琛為府丞聞仇
家多假手獄卒甘心繫囚乃時巡獄中全活甚眾有江甯縣丞王震者貪酷事

覺雖升他縣猶坐以法又上元知縣程燦有治才於供億紛繁之日節浮費十之五六孝陵左近民以誤殺苑中鹿坐死爭之得末減屢決疑獄毀淫祠爲社學修達句容大道善政爲東南諸縣最 秋九月免南畿被災秋糧

十年夏溧水大水沒民居江溢淠江清六合田 秋八月應天鄉試以遂甯席春華亭孫承恩爲考官取中衛籍葛清童曉宋溥湯輔上元王可大金翰向鎬許彥忠江甯殷邁余元鄭河十一人

十一年夏溧水六合蝗秋七月免南畿被災夏稅

十二年崔尙義知江甯縣作清慎勤三箴以自勵後有祝朝用卹民釐弊狡吏畏之

十三年夏六月甲子南京太廟火燬前後殿東西廡神廚庫 秋八月應天鄉試以南海倫以訓茶陵張治爲考官取中衛籍王之省陳芹陳時萬江浦張鉞四人 時霍韜爲南京禮部尙書禁喪家宴飲絕婦女入寺觀罪娼戶市良人女毀淫祠建社倉散僧尼表忠節重應天教授鄧德昌每屏騶從往訪之或騎

驢共遊都市焉

十四年江浦六合蝗振之

十五年春句容蝻生夏六月甲申雷擊南京西上門獸吻震死男婦十餘人

十六年夏溧水句容六合大水 東廬馬鞍等山蛟發 秋八月應天鄉試以貴溪江汝璧

貴陽歐陽衢爲考官取中衛籍甘節陸彬林一鳳 後復姓邢 上元廖文光高瀆韓叔陽五人

十七年夏南京大旱

十八年夏大風江水涸數十丈

十九年秋八月應天鄉試以茶陵張治懷甯龔用卿爲考官取中衛籍顏芳梅恒吳棟上元朱文周儒路伯鏗梁丹江甯阮厚句容張錦六合張在劉燧十一人

二十年春正月免南畿被災稅糧

二十二年秋八月應天鄉試以無錫華察烏程閔如霖爲考官取中衛籍馬汝

僑吳士進上元沈九思盛時春江甯黃甲黃炎杲向贊七人 冬十二月免南畿被災稅糧

二十三年夏大旱秋民饑應天府治中龐嵩攝尹事上官命督振公粟竭貸之富家全活幾七萬口蠲逋賦招流散復業者又十萬餘人南京民苦役重力爲調劑凡優免戶寄居客戶詭稱官戶寄莊戶朝天女戶神帛堂匠戶俾悉出以供役江甯縣葛仙永豐二鄉頻患水嵩爲築隄防得田三千六百畝立惠民莊四召貧民佃之屢剖冤獄戚晚王湧舉人趙君寵占良人妻殺人嵩置之法每集諸生於新泉書院講習五經歲時單騎行縣以壺漿自隨先後在官凡八年同時以善政聞者上元知縣袁鑑居官廉儉賦役均平吏民皆不忍欺之江甯知縣何价謝絕請託節省民財不汲汲於事上句容知縣徐九思始視事恂恂若無能有吏袖空蝶竊印摘其奸論如法爲治於單寒加恩而御豪猾特嚴訟者扶不過十催科預爲之期逾則令里老逮之隸胥莫敢入村落縣東西通衢七十里塵土積三尺雨雪泥沒騾九思節公費發以石朝廷數遣中貴醮茅山

縣民苦供應九思搜故牒有鹽引金久貯於庫者請以給費歲祲穀貴巡撫發倉穀數百石平糶而償直於官九思曰彼糶者皆豪民也貧者雖平價不能糶乃以時價糶其半還直於官而以餘穀煮粥食餓者穀多則使稱力分負以去其山谷遠者則就旁富人穀而官償之嘗圖一菜於壁曰爲吾赤子不可令有此色爲民父母不可不知此味高淳知縣胡疇捐俸振饑悉停徵科因被劾縣民赴京保留許之溧水知縣王從善省荒勸農動依古法建先斯倉以備振濟立忠節祠以祀齊泰繼之者高翀張問行胡鳳謝廷蒞欒尙約陳文謨皆有能名

二十四年夏南京大旱饑 濬後湖 冬南京兵部尙書張鑿募兵禦倭立振

武營

二十五年夏南畿旱 秋八月應天鄉試以餘姚孫性安陽郭樸爲考官取中
衛籍梁楹蔡銳薛盤蔣國賓醫籍蔣山上元潘鶴江甯李种劉安節句容王樸
江浦朱賢張邦直六合金鴻十二人

二十八年秋八月應天鄉試以高安敖銑莆田黃廷用為考官取中衛籍俞璉周珊何汝健皮豹朱潤身呂鐸張蘊句容趙科張邦謨高滄張應亮十人

二十九年秋七月六合蝗

三十一年夏六合疫 秋八月乙丑南京試院火 是年應天鄉試以永新尹

臺高平郭鑿為考官取中衛籍馬汝傑胡汝嘉鄭守矩上元楊璧江甯柳旦尹

繼臯江浦顧昊六合費驊高滄韓孜九人

三十二年南畿旱

三十三年夏六合旱 句容知縣樊垣始易土城為磚城

三十四年夏六合麥大稔 六月江水沒田禾 秋七月倭賊自浙徼流劫至

南京江甯鎮才七十二人指揮朱襄蔣欽率眾禦之是時賊已過板橋襄等猶

不知方祖錫縱酒突為所殲因由安德鳳臺夾岡門趨秣陵關應天推官羅節

卿指揮徐承宗率兵守關望風奔潰賊遂破溧水趨宜興至吳而滅 八月應

天鄉試以常熟嚴訥新昌潘晟為考官取中衛籍周易王肖徵楊家相陳時仲

姚汝循鄭守益上元劉桂金鸞段文德鄭延年六合龍施十一人 冬十二月

南京地震

三十五年春二月六合地震 秋七月免南畿被災稅糧以巡按周如斗奏請

故也

三十六年溧水築石城

三十七年秋八月應天鄉試以常熟瞿景洎餘姚陳陞為考官取中衛籍叢文

蔚張來鳳李逢暘黃尙質上元李鎮王惠雷學皋江甯吳之儒金昂高滄韓邦

憲溧水徐守正孫玘江浦朱雲鸞十三人 是年金傑知江甯縣治民不使鞭

朴迎送供億常以節儉一夕瞻天象而歎遂投劾去蓋豫知有兵變也

三十八年夏四月南京雨雹 秋七月辛巳南京地震

三十九年春二月丁巳南京兵變舊制諸軍有妻者給米一石無者減其四春

秋二仲月米石折銀五錢馬坤掌南戶部奏減折色之一督儲侍郎黃懋官又

奏革募補者妻糧軍心大怨會以歲饑求復折色故額懋官不可給餉又踰期

都肄日振武營卒譁懋官急召內守備何綬魏國公徐鵬舉臨淮侯李庭竹兵部侍郎李遂至諸軍已甲而入予之銀爭攫之懋官見勢洶洶踰垣投吏舍亂卒追殺之裸其尸於市綬鵬舉遣吏持黃紙許犒萬金卒輒碎之增至十萬乃散明日諸大臣集守備廳亂卒亦集李遂大言曰黃侍郎自踰牆死諸軍特不當殘辱之吾據實陳奏不以叛相誣也因麾眾退許復妻糧及故額人畀一金補折價始定遂乃託病閉閣給免死券以慰安之而密諭營將捕首惡二十五人繫獄詔追奪懋官職罷綬庭竹及兵部尚書張整任鵬舉如故遂以功議擢止誅亂卒三人而三人已前死餘戍邊衛遂歎曰兵自此益驕矣 秋七月江水漲至三山門秦淮畔民居皆深數尺六合亦然高濬承豐鄉被災獨甚知縣方沂盡蠲其里役漕糧缺兌乃悉發庫銀糴補繼之者李德望以官田賦重遂取四百畝配民田百畝立五段錦法調劑之又上元知縣房韞玉以坊廂積弊年久而上官多取辦於甲乃力請節省民得蘇息後建惠澤祠於南門外祀之江甯縣丞郭廷輅編審戶籍派均而民不擾黃光涵以江甯縣丞攝主簿簿

故職儲有例金里長代編戶輸漕輒以金餌簿因恣為朘削光涵獨拒不受也馬應祥亦為江甯主簿追徵稅糧不問餘羨至兌運時或為軍官旗甲欺侮無怨言曰吾為百姓未幾卒官 冬南京大雪烏多凍死木冰如花 十二月南畿地震

四十年秋南畿饑振之 八月應天鄉試以無錫吳情豐城胡杰為考官取中上元伊在庭江甯鄭宣化殷康殷序溧水許根善高濬邢繼本六人

四十一年夏六月六合大風拔木水溢冬十月免南畿被災稅糧 時耿定向督學南畿建崇正書院於清涼山著會儀遶十四府諸生之秀者教之使焦竑領其事

四十三年秋八月應天鄉試以鄞縣汪鏜華容孫世芳為考官取中衛籍吳自新焦竑李夢相侯全爵余孟麟趙經朱衣監籍董守緒江甯陳大立溧水武尚質武尚訓高濬邢夢珂十二人

四十五年春二月大風雨震報恩寺幾盡夏六月六合兩傷稼冬十二月大雪

兼旬

金陵通紀卷十中

弟作儀參訂男詒荊校字

金陵通紀卷十下

江甯陳作霖伯雨編輯

明穆宗隆慶元年罷振武營

汪宗伊為應天府尹條畫上元江甯二縣徭役

歲省萬餘金鄧楚望知高淳縣丈田均糧盡釐姦弊清查天界寺產令供差役
馬場收租以代馬草劉應雷知溧水縣旁縣有以糧嫁名溧水者應雷力爭而
免制賦均平民歌詠之丁賓知句容縣建義倉行鄉約清田賦減徭役豁羨餘
歲省民供本折各七千七百餘兩 秋八月應天鄉試以餘姚孫鋌南昌王希
烈為考官取中衛籍姚文芳卜履吉路九同宋存德顧九德江甯金元初溧水
陳一鳳江浦黃四科聶武列九人
二年冬十月免南畿被災稅糧

三年夏閏六月江潮沒瓜步壞民田廬秋八月振南畿水災冬免其秋糧 是
年海瑞巡撫應天墨吏聞風免去有勢家朱丹其門輒聖之中人監織造者為
減輿從焉

四年春正月南京火一夕數發踰月乃止 秋八月應天鄉試以同州馬自強
會稽陶大臨為考官取中上元王橋張國輔後復姓顧江甯卜鏗吳伯誠徐世隆溧
水武尙耕武尙嚴薛維翰江浦嚴丕承九人 冬六合饑 詔應天府屬變賣
種馬之半免蘆洲逋課

五年春二月壬子南京廣惠二倉災 冬十月以水災蠲南京各衛所屯糧有
差

神宗萬厯元年秋八月應天鄉試以烏程范應期信陽何洛文為考官取中醫
籍范思正上元董肇允王堯封江甯薛應和句容陳橋筮守心六人 時林黼
知上元縣聰明仁恕革去坊廂長改編丁銀省浮費十之八民建生祠於溇化
鎮祀之夏大勳知高淳縣移常豐倉於留輝門外便民輸運 是年江浦始築
土城建沙洲屯營

三年夏五月減里甲均徭驛傳坊夫等銀及革里甲朋役拾丁排門小夫諸名
色著為例 高淳旱知縣張佐治步禱赤日中雨至猶不止時上元知縣程三

省修纂縣志一方利弊略具於中溧水知縣吳仕詮亦修前縣陳憲所著正德
志並作訓民四箴嵌置學堂 是年濬應天府學泮池以石登岸易學前戶部
地為屏牆

四年春三月南京雨雹 秋八月應天鄉試以奉化戴洵武陵陳思育為考官
取中衛籍張後甲沈鳳翔何湛之何溇之上元黃鶴鳴句容徐言曹孝述溧水
章甫詔高淳韓棟六合曹漢季宮十一人 冬十月雷 建表忠觀於冶城東
以祀靖難諸忠臣 高淳知縣王體升以天界寺僧冒欽賞田匿稅清釐之勳
貴為請力持不可

五年春南京旱井泉竭河可涉

六年秋七月壬子雷震南京承天門左檐

七年秋八月應天鄉試以銅梁高啟愚會稽羅萬化為考官取中上元錢濬許
天敘陳舜仁湯有光句容曹楷許堯咨六合孫拱辰七人

九年春正月裁南京冗官 時陳載春知六合縣以過使往來為民累為九則

以定役法屬核田詔下精心勾稽得隱匿田若干畝曰上意非欲益賦也欲平之耳於是減舊田賦額幾半又因以寬蘆洲之稅補開河損田之直以贖金易穀歲禮出之民不告饑圩堰陂塘以時築濬

十年秋八月應天鄉試以歸德沈鯉平湖沈懋孝爲考官取中江甯黃夢麒沈天啟張文暉高滄吳尙伯四人 時方良曙爲應天府尹釐剔奸弊井井有條十一年雷學尹知江甯縣軫念民瘼不辭猥瑣估修馴象等門及板橋公館諸大小官廨皆躬自步算費用無濫時水田積潦民苦荒饑爲設修圩款目事均而易集

十二年南京建工部府軍倉錢廠

十三年春二月丁未南畿地震江潮沸騰 秋八月應天鄉試以東阿于慎行

富順李長春爲考官取中上元李景春李鑑句容王聘賢三人

十四年夏五月大雨旬餘城中水數尺江東門至三山門行舟 應天府尹周

繼重修府學造青雲樓於學舍北建天下文樞坊及聚星亭於文廟前立文德

板橋

十五年秋七月江南大水高滄圩田多沒知縣董岐鳳請得帑銀三千兩修築買當塗湖灘作遮浪埂以捍南蕩圩田萬餘畝 是年南京右都御史海瑞卒喪出江上白衣冠送者夾岸

十六年春三月南京旱疫死者無算南門卒以豆計棺出日以升計 秋八月

壬午雷震南京西安門鐘鼓樓獸吻 是月應天鄉試以江陵劉楚先任邱劉

元震爲考官取中上元紀三才方鶴齡江甯趙時振厲昌謨溧水徐文煒五人

十七年夏南畿大旱振之 南京有毛蟲食松葉皆枯死鄉人謂之山荒

十九年夏南畿大水 建龍虎左鷹揚陸兵三營 三山門民家牛產犢腹下

四足脊上三足皆輒前後竅各二 秋八月應天鄉試以慈溪陸可教交河余

繼登爲考官取中上元韓國藩向德象江甯姚履素李思誠魏成忠張應望句

容宜繼盛李思敬楊瑞麟溧水沈立敬十人

二十年南京兵部尙書衷貞吉以倭警募浙兵數千屯龍江關號義烏營頗爲

民患

二十一年夏四月戊寅雷震孝陵大木 時賈應龍知上元縣以舊時坊廂編有丁銀或貧不能納遂致流亡乃請將丁銀推入田畝又嚴禁溺女鄉人或名女曰賈以誌感劉元泰爲上元縣丞嘗攝縣事徵斂正供外革去冗費清理軍伍吏胥毋敢逞其私劉必達知江甯縣輕徭役豁贖緩案無留牘尤留意於學校徐必達知溧水縣以虛糧病民力請改折並蓄雞豚應供億免坊廂辦差之累且置圖南書院學田焉

二十二年夏四月南京正陽門水赤三日 秋八月應天鄉試以晉江李廷機鄞縣周應賓爲考官取中前所籍潘柟衛籍周元朱之蕃何棟如江甯徐煜溧水陳鳴陽高涪邢振羽江浦丁遂熊師望九人

二十五年秋八月應天鄉試以福清葉向高秀水朱國祚爲考官取中上元顧起元皮光國江甯王名登陳萬善韓仲雍溧水武光賜徐良輔高涪張思重八人 時米萬鍾知六合縣蘇馬戶之困疏蠲法之弊江水溢力捍禦之於鰥寡

孤獨者撫卹尤厚去後民思之不忘 是年文德板橋圯

二十六年提學御史陳子貞修文德橋易以石泥中得鎖子甲二 時趙瑄知高涪縣置奸胥劉守清於法因被中傷士民呼冤者數千人卒得直繼之者有項維聰纂修縣志課士不倦榜其署曰冰壺

二十七年徐申以應天府丞攝尹事時御府傳造龍旗幟屏諸供具費以萬計申極諫不得乃增置錢局收贏金以供諸費而不擾民帑藏錢糧出入故稱難核申立指掌冊躬自鉤稽隱冒悉見又數問民疾苦及因革所宜繼爲府丞者有衛一鳳自奉極儉而明於錢穀又通判郎文煥居官廉正推官余若柟善決獄人稱余青天

二十八年秋八月應天鄉試以晉江黃汝良長沙莊天合爲考官取中上元卜有徵江甯徐鳳翔陳一治六合黃三策四人 是年修報恩寺塔

二十九年南畿饑應天通判陳聯璧設廠平糶爲蘆蓬以居流民勸諭富戶輸粟相濟時有劉大川爲推官愛民如子不事鞭笞好賢下士謝絕請託同官敬

而畏之

三十年春二月南京魏國公府災命工部爲重造冬十月丙申孝陵災 時應天府屬有解送皇磚之役富民多至破家溧水知縣徐良彥請稍增田賦錢付蘇州匠作總解民以爲便又謂溧水東南水直瀉西北氣不聚建塔以塞水口後遂多富饒焉

三十一年秋八月應天鄉試以會稽陶望齡卽墨周如砥爲考官取中衛籍焦周張士德上元程國祥王祚遠楊公瀚江甯徐揚先童天允吳汝璟句容張榜溧水王可宗十人 是年增設南中軍標營

三十三年秋九月戊子有星如梳墜於龍江後營光芒流走至地移時滅明日復有星如月從西北流至閱兵臺分爲三墜地有聲冬十月鍾山有白氣丈許如匹練從申至亥乃斂日入後卽轉黑色十一月又有星隕於教場入地無迹妖人劉天緒自稱李王謀不軌約冬至日乘文武官謁陵舉事其黨陳學首諸守備朱某兵部尙書孫鑛密遣把總王表往獲二十餘人操江丁賓以江防

多弛率將校往來閱視增守兵戍要害部內晏然旣而攝刑部事鑛欲窮治天緒獄賓不可論七人死餘皆釋之 時田有年知江甯縣謁守備太監不用庭參禮長揖而退揚州獲一狂僧誣諸生余中鼇魏國族人徐維禮謀逆上官命有年根究有年力白其冤而免之

三十四年秋八月南京大火自三山街延燒至貢院牆 應天鄉試以慈谿馮有經定襄傅新德爲考官取中江甯賈明道鄭觀光李琰余大成沈應宿句容孔貞時高淳王養蒙江浦陳應元丁明登九人 時大風拔近畿富民家木好人誣其坎爲礦爭往趨之應天府尹徐申宣言此孝陵龍脈所經誰敢奸之乃皆斂手以退

三十五年春正月應天府學泮池冰結奇花冬雙橋門地上霜有花鳥形 十月巳卯南京行人司署火

三十六年夏五月秦淮河竭十日後潮忽漲大雨半月餘平地皆水自學宮泛舟至大成殿前濱江圩田盡沒高淳知縣宋祖騰架大船沿鄉救溺發常平倉

三千石平糶悉緩諸徵繼之者

秋八月振南畿饑冬十二月免

三十七年秋八月應天鄉試以

必選顧起鳳劉光奕王廷鑑

三十八年建南京金吾神策府

三十九年秋八月秣陵故城屯

四十年南畿游饑應天府尹姚

比會有是黨害民盡禽獲之

以益都趙秉忠象山邵景堯

溧水武可奮江浦胥自修林

四十一年秋七月南畿大水

四十二年黃承元為應天府

選革加耗之弊通鼓鑄之利

為考官取中句容曹可明孔貞

同煜林尚炫八人

四十三年秋八月應天鄉試

屏周薛邦獻陳元慶李長華

四十四年秋九月江甯蝗起

以勞卒官 時南京工部尚

凡官南都三十年每遇旱潦

廂踐更之累以絕 是年立以

四十五年夏五月南京有鼠

四十六年春二月南京東北

鄉試以上饒鄭以偉蕭山來

王芝瑞錢輝裔梁志仁文時

冬十月辛酉有星如斗隕

溧水知縣張錫命以改折糧

四十七年有鼠渡江如前

唐登雋築堤接連大橋以捍水人稱唐公堤

其稅糧

隨州何宗彥渭南南師仲為考官取中江甯賈

水武化中六合汪元哲葉時憲七人

軍三營

以磨坊產怪豬頂上生一目鼻長二寸許

死思仁令捕蝗者準糧數交納民歌之以姚崇為

配重修都城隍廟 秋八月應天鄉試

為考官取中句容曹可明孔貞運徐行恕陳有威

同煜林尚炫八人

尹疏請增科舉額添築號舍以惠士又嚴署篆之

災織造之籍民感之為立生祠以祀

高陽孫承宗莆田周如磐為考官取中江甯蔡

四十五年夏五月南京有鼠沈向五人

四十六年春二月南京東北食禾黍竹樹皆盡冬旱應天治中李棠巡行捕禱

鄉試以上饒鄭以偉蕭山來書丁賓濬秦淮河自上元至丹陽大道盡易以石

王芝瑞錢輝裔梁志仁文時輒請振貸時出家財佐之又嘗題定稅役事宜坊

冬十月辛酉有星如斗隕龍江提舉司

溧水知縣張錫命以改折糧萬餘銜尾渡江食禾稼

四十七年有鼠渡江如前 有大星赤色南行墜於西聲如雷 秋八月應天

宗道為考官取中上元李喬徐一范陳調鼎江甯

水陳六奇楊相江浦胡承熙六合汪金聲十一人

於安德門外聲如霹靂化為石重二十一觔 時

信事未獲報可取縣民張曉前疏申請乃得免

時西洋人利瑪竇等倡行天主教於南京禮部尚

書

書

書

書沈淮奏請禁止驅逐焉

熹宗天啟元年秋八月應天鄉試以元城黃立極順德黃儒柄為考官取中江甯黃華允易震吉倪嘉慶謝祀姚麻顧起貞王熙後復姓陳楊宏道句容李清李長敷江浦劉日珽六合馮良謨十二人 操江都御史熊明遇建營伏虎山以選練諸軍 時三王就封道經六合知縣蔡如葵為橋於河東以渡之設廠於南郊以居之市里無擾焉 是年南京有白氣自東北亘天至西南如蚩尤旗 二年徐必達為應天府尹糴穀備振平糶救荒革商稅以通貨財清勘合以蘇驛困人咸稱之

三年秋七月辛卯南京大內左傍宮火 建戶部府軍倉錢廠 冬十二月丁未南京地震 是年振恤江南水旱災民

四年秋八月應天鄉試以高陽李標山陰姜逢元為考官取中江甯范叔度孫自修溧水趙之驊三人 冬十二月癸卯南京地震

五年李可塘知溧水縣時以兵餉欲借改折暫徵溧水田糧力請免之

六年夏四月命南京內守備搜括應天各府民財助殿工邊餉 時丹徒談自省為應天府尹以去家甚近謝絕私交革弊釐奸興舉百務會議立魏忠賢生祠首抗之被劾去 五月癸亥朝天宮災 冬十月辛酉南京西華門有舊宮材木瘞土中久忽生煙以水沃之三日始滅 十二月戊申南畿地震 是年建魏忠賢生祠於雨花山布衣何宗顯於其側立海忠介公祠以抗之 七年秋八月應天鄉試以元城陳具慶懷甯張士範為考官取中江甯陸朗李一白吳懋俊陳珽王觀宗汪偉張明熙句容李長倩李長似六合汪全智潘世奇沈奇瑛吳嘉禎十三人 冬十月癸亥南京地震有聲 時曾就義知溧水縣為政精敏嚴敢博徒有以無名狀誣善長者廉得其情禽治之 思宗崇禎元年劉一鳳為應天府尹慎起居屏饋遺治民寬而御下嚴以循名著時為府丞者徐石麒因絲商馬戶兩差率僉大戶以充乃仿古僱役法令歲納銀以資貼備眾皆稱便為推官者彭期生遇事明斷人不敢欺嘗攝府尹遴正嘉以來先達李應楨沈越等十人入祀鄉賢以志景行

三年秋八月應天鄉試以新建姜日廣并研陳演爲考官取中江甯楊士驥王佩中凌世韶史永清錢源黃金榜錢佳七人 九月戊戌南畿地震

五年夏四月丁酉南畿地震

六年秋八月應天鄉試以上虞丁進晉江蔣德璟爲考官取中上元夏時泰胡順忠江甯施其政蔡朝聖汪國策江浦月中桂六合章起經高涇邢士功八人 七年南京大風吹落宮城門扁額 時劉餘祐爲應天府尹勸課農桑尤善經理荒政又有府丞錢士貴力行振濟貧民得蘇

八年方廷涓知高涇縣以民困轉輸爲請半折得允歲旱竭誠行禱蝗多赴湖死

九年春正月甲戌雷燬孝陵樹夏南畿大旱 流賊張獻忠陷和州應天巡撫張國維遣守備陳于王守六合蔣若來守江浦若來急入與知縣李維樾固守賊登城若來拒卻之縋下角賊矢著其頰左臂傷裹血還戰賊乃退六合無城若來與于王犄角捍賊二縣以全維樾之宰江浦也勸輸振荒多德政重修縣

志最爲謹嚴 秋八月應天鄉試以太倉王錫袞曲沃李建泰爲考官取中江

甯王潢韓范計嘉聞鍾奇張蒼舒張星煒黃日乾蘇策殷錫江浦夏鼎十人

時李覺斯爲應天府丞與府尹詹士龍設館於城東進民之秀者而教之

十年春正月南畿地震 三月賊復由和州攻六合知縣鄭元同潰走城遂陷游擊常忠扼龍津浮橋賊不得南未幾退 時閩黨懷甯阮大鍼避寇居南京

頗招納遊俠覬以邊材召復社中名士顧杲楊廷樞沈士柱黃宗羲萬泰等惡

其橫作留都防亂帖逐之大鍼懼乃遁迹牛首山 夏南畿大旱 冬十月南

京晝晦大霧山中夜聞鬼嘯戰鬪聲樹上冰雪如甲冑旗槍之狀占者謂之木

介

十一年春正月裁南京冗官 夏六月南畿大旱蝗

十二年夏南畿饑 四月南京兵部尙書李邦華莅任重修營制謂守江南不

若守江北防下流不若防上流乃由浦口歷滁全相形勢繪圖以獻於浦口置沿江敵臺於滁設戍卒於池河建城垣於滁椒咽喉則築堡於藕塘和遭屠修

請以隸之太平又請開府采石之山置哨太平之港大墾當塗閒田數百頃資軍儲徐州南北要害水陸交會請宿重兵設總督片檄徵調莫陵京萬全之勢皆下所司未及行以憂去 秋八月應天鄉試以張維機楊觀光爲考官取中上元周士章江甯周景濂王亦臨朱應昇王象春羅策謝廷相施化遠陳丹衷黃良方成化句容李長祚戴文峰黃達士高溥胡有英高鵬南李用楫葛奇祚十三人

十三年春閏正月丙申南京晝晦風霾大作 夏五月旱蝗大饑斗米千錢應天府丞張瑋設粥廠於城內外令民間收養遺嬰餼以官粟暇則與諸生講學人文賴以不墜 冬十一月戊子南畿地震

十四年夏五月南京大疫死者數萬人六月大旱蝗民饑應天府丞金蘭與魏國公徐弘基等捐資振濟設慈幼局冬生房給藥施糶悉踵張瑋之法而加詳焉

十五年春流賊陷和州窺江南京戒嚴 夏四月癸卯雷震孝陵樹火從中出

羣鼠渡江晝夜不絕 秋八月應天鄉試以信陽何瑞徵南昌朱統錡爲考官取中上元施鳳翼劉思問江甯胥庭清許暢汪觀陳彝六人

十六年春三月湖廣總兵左良玉潰兵數十萬聲言餉乏欲寄帑南京艤幢蔽江東下應天士民遷徙大半文武大吏相顧愕眙會左都御史李邦華在九江草檄諭以大義且發庫銀餉之乃止 時江防廢弛應天府治中趙其昌修墩臺製器械營伍一新 冬十一月南京火藥庫災傷三十餘人藥之所激空棺飛過數十家庫梁飛入錦衣衛堂上

十七年春正月乙卯南京地震三月辛丑孝陵夜哭是月流寇陷京師 夏四月戊午南京兵部尙書史可法誓師勤王次浦子口聞變乃還請大臣議立君戚屬潞王廬鳳總督馬士英欲居擁戴功乃結靖南伯黃得功暨高傑劉澤清劉良佐發兵迎福王由崧於江上可法等不得已從之丙戌福王舟次觀音門丁亥百官迎見於龍江關五月戊子朔王乘馬自三山門入至孝陵從臣請自東御路入王遜避由西門至饗殿禮畢謁懿文太子陵乃自朝陽門入東華門

步行謁奉先殿出西華門駐蹕內守備府己丑百官謁王於行宮勸進王許監國庚寅王行告天禮升殿魏國公徐弘基跪進國寶百官行四拜禮乃退戊戌羣臣復勸進王許之己亥修奉先殿壬寅王卽皇帝位於武英殿是日降賊少詹事項煜混入朝班眾逐之以太監盧九德提督京營忻城伯趙之龍總督京營戎政右僉都御史左懋第巡撫應天大學士史可法自請督師江上許之京師士民譁曰何乃奪我史公乙巳陛辭命百官餞於郊設勇衛營以太監李國輔監督六月以杜宏域提督大教場秋七月丙戌王祀高皇帝以下於奉先殿八月丁巳釋奠於國子監戊辰王太后鄒氏至自河南癸酉命修西宮之西花園第一所爲皇太后宮辛巳建旌忠祠於雞鳴山以祀北京死節諸臣范景文等皆加贈諡九月辛卯王御經筵庚戌開佐工事例時人爲之語曰中書隨地有都督滿街走監紀多如羊職方賤如狗相公只愛錢皇帝但喫酒掃盡江南財填塞馬家口自五月不雨至於是月冬十月鑄弘光通寶錢十一月戊子西宮成賜名慈禧殿乙未夜端門外火癸亥

定勇衛營額萬五千人命太監高起潛駐浦子口提調河上之師是日命太監盧九德丈量蘆洲升課十二月丙寅有狂僧大悲夜叩洪武門自稱崇禎帝閻人禽之以獻下鎮撫司獄癸未布衣何光顯上書乞誅馬士英劉孔昭等詔戮於市甲申晦王御輿甯宮憮然不悅以後宮寥落且新春南部無新聲也故事宮中有變則夜半鳴鐘一夕鐘鳴外廷大駭須臾內豎啟門出則索鬼面頭子欲演戲爲樂耳醫者鄭三山以合媚藥得幸雀腦蟾酥市中踊貴乞兒手一蟲一介貼黃書上用人莫敢犯馬士英阮大鍼搜舊院雛姬進御死則付塢兒葬之

福王弘光元年

以弘光繫年謹遵純廟聖諭

春正月乙酉朔南京大風拔木雪數尺癸巳

大雷電雨雹

甲午修午門及左右掖門

二月己未以阮大鍼爲兵部尙書

兼左副都御史巡視江防

癸未誅狂僧大悲

三月甲申朔有稱北來太子

者至南京駐輿善寺以勇衛營兵五百人守之夜移於錦衣衛都督同知馮可宗邸第以都人私謁者眾復移於大內丙戌下於中城兵馬司獄壬辰詔百官

會審北來太子於午門外時又有婦人童氏自言王妃下錦衣衛獄死故諸鎮皆援二事爲辭 壬寅烈皇帝忌日百官於太平門外設壇遙祭 乙巳以兵部左侍郎朱大典巡撫應天 戊申甯南侯左良玉反於武昌夏四月詔督師史可法入援至草鞋夾聞淮泗有警復命回揚州不必入朝可法登燕子磯慟哭而返 己未左兵陷東流南京戒嚴以公侯分守長安諸門及都城十三門命阮大鍼巡防江上 丁卯王自選淑女於元暉殿 戊寅王聞

大清兵克揚州召對羣臣議遷都東閣大學士錢謙益力言不可馬士英召黔兵千二百人入城駐雞鳴山時

大清兵謀渡老鶴河龍潭驛探卒報北軍編木筏乘風而下江中礮壞京城四堞 是夜有書長安門者曰福人沈醉不醒全憑馬上胡謔幕府凱歌未休猶聽阮中曲變 五月戊子晝晦大風雨馬士英與太監韓贊周盧九德議令各門下開辰開午閉是日集清議堂預坐者僅十六人 己丑夜大霧

大清兵渡江 辛卯王出通濟門奔太平文武無知者宮娥女伶雜沓西華門

外城中大亂 壬辰馬士英拔太后出奔士英居西華門外其子錫居北門橋

雞鷺巷百姓焚掠一空次及阮大鍼家歌姬甚盛一時星散 是日午刻有趙

監生率百姓千餘人至中城獄擁北來太子入西華門又擁至西官取優人翊

善冠登武英殿忻城伯趙之龍不聽立挾之出洪武門 甲午

大清兵自丹陽趣句容乙未夜至郊壇門趙之龍及魏國公徐允爵大學士王

鐸禮部尙書錢謙益等迎降皆冒雨跪道旁

大清豫親王命謙益入清宮禁謙益引

大清官二員騎五百自洪武門入刑部尙書高倬自經死戶部郎中劉成治題

壁曰鍾山之氣赫赫洋洋歸於帝側保此冠裳亦自經死戶部主事吳嘉允自

經於方正學祠禮部主事黃端伯被執不屈死中書舍人龔廷祥投武定橋下

死時應天人死難者有欽天監博士陳于階國子監生吳可箕武舉黃金璽布

衣陳士達而投秦淮河之馮小璫題詩百川橋之乞兒死爲尤奇南京旣下六

合卽歸附諸生馬純仁題詩橋柱投水死 丙申

大清豫親王入明南京 明廣昌伯劉良佐率兵入援次上新河聞福王已走
乃解甲降且請禽福王自効是日獲之來福王見豫親王叩頭豫親王宴之靈
壁侯府使坐於北來太子下終席拘於江甯縣尋挾之北去江南平

